

ने. सं. ११०५ न्हू दँया लसताय

सकल नगरवासिपिन्त

भितुना



प्र. पं. बुद्धिराज वज्राचार्य व
ललितपुर नगर पंचायत
परिवार

खेलुइताः

साहित्यिक दं पाँ

नेपाल भाषा केन्द्रीय विभाग
या सा सा सकाय
त्रि वि
२०४३

खुगु दँ ने. सं. ११०५ हापूजा खुगु ल्याः

सल्लाहकार

स्वयम्भूलाल श्रेष्ठ
जनकलाल वैद्य
नर्मदेश्वर प्रधान

सम्पादक

नरेन्द्रमान श्रेष्ठ

विजयेश्वर वैद्य

केदार 'सितु'

★

★

व्यवस्थापक

दुजः

वद्रीनारायण नर्कम
प्रकाश राजकर्णिकार
जुजुभाइ चित्रकार
रुद्र सिखडा
ॐ कृष्ण कर्माचार्य
राकेश शिल्पकार
ज्ञानेश्वर वैद्य
ॐ बहादुर नर्कम

तीर्थराज वज्राचार्य

ईश्वर सायमि

★

पिकाक

खेलुइताः पिकाक गुथि

ललित ग्रन्थयन गोठडी

तंगः त्वाः, यल ।

★

★

देवः

वत्सगोपाल वैद्य

थाक्

मच्छिन्द्र प्रिन्टिङ्ग प्रेस


ईखाछं त्वाः, यल ।

मूः- ४/-

फोन ५-२१५०८

धलः

१) चाःगु कलम छाया तीगु अर्थे (चिनाखें)	-दुर्गालाल श्रेष्ठ	१
२) माकर प्याखनया म्ये- (पुलां म्ये)	-जगतचन्द्र	२
३) खुसः दँ न्होया नेपाल ... (अनुसन्धान)	-डा० कमलप्रकाश मल्ल	३
४) ठग देसं वःह्य मनु (पुलां बाखें)	-करुणाकर वैद्य	२१
५) कौला खिचा (ऐ. ख्यालः)	-ह्य. चक्रधर शर्मा	३१
६) म्वाय् मानिह्य जि (चिनाखें)	-राजेश्वर वैद्य	४५
७) राजवंशी मिसात (छवखें)	-स्वयम्भूलाल श्रेष्ठ	४७
८) नेपालभाषाय् 'य्' ... (व्याकरण)	-जनकलाल वैद्य	५३
९) खुसिया तुतां (चिनाखें)	-पुष्पराज राजकर्णि.	६५
१०) खण्ड-खण्ड (बाखें)	-केदार 'सितु'	६७
११) सिरपा त्याका विसैं (कासा)		७१
१२) खेलुइताः या पावें (सम्पादकीय)		७५



चाःगु कलम छाया तीगु अर्थे

-दुर्गालाल श्रेष्ठ

वा-फय् व निमाः प्वैलिसैं लवानाः
अनुभव गुलि नं मुंगु दु खः
थुकिया हे छपु बाखें मखुला !
गुलि गुलि चिक जि लूगु छ खः।

वय्धुन अय्नं ह्वे जि मधुनि
लवाय्गु अझं हे ल्यनि खनी
म्वाय्गु मनोरथ पूर्वक्कगु हे
लवाय्गु लवाय्गु बस, लवाय्गु खनी।

हः ही चकनाः स्वां ज्वी थुंसां
यत्तले नं गन ह्वे दु यथे
आगं जकसां प्वल्यमाः विधिया
चाःगु कलम छाया तीगु अर्थे।

(शनिवार दिल्ली ११०४)

माकर प्याखनया म्ये

-जगतचन्द

आदिश भारपे देबगण पनि थव नक त्वारस वास इनायखे जव ॥१॥
 माकर मकरिनि मुसे चोडा गुँस यँयाष्ट राजा पापि
 काँत गुँ छय क थूस ॥२॥
 बास मदतो आव गोर्रो गर वेय मखतो थव थाय वाश
 गना लेय ॥३॥
 जगतया मन्त्रि भोट्या दाजु रासे . वागमति थबसे
 क्वाथ दाडा खाँसे ॥४॥
 वाँलो बुझ्छयातो आव वने थव थ य, प्याखन हुसे वन
 काँथ गुँ राय ॥५॥
 लाता वोरा सोय धुनो म्वाङन खे गुँन पार पाग बुवु काय
 जुय बुलुहून ॥६॥
 गाँलो गल्या माकर पनि जोरो विरो काँड, बास महु खाँसे
 खोसे मिखा अति माड ॥७॥
 पुरुव सो सिँमा फूता गना थय बास थर थर नुरो जीव
 गना चोने थास ॥८॥
 गोलोया वानर पनि तव दुखताया यँया राजा पापि जुसे फल
 लासे काया ॥९॥
 इति पनि फवता सेनकाब मेमेसेन दुख
 सेया पापिन याडावा ॥१०॥
 इन्द्रादि देव शिव वर विव छैन हरखन सकोस व म्हेते
 चित जेन
 जय जितामित्र प्रभु उगमल्ल देव जगत प्रकाश आव धरमस हेव ॥११॥

इति माकर प्याखन -
 (मुम्ह:- जनकलाल बँद्य)

खुस: दँ न्होया नेपाल भाषाया भाषिक विशेषता

-प्रो. डा. कमलप्रकाश मल्ल

चीन-सँय भाय खल:या न्यास:गू भाय लुया व:गु दु । उँपि मध्ये न्यागू भायया
 जक लिपि दु । नेपालभाषा थव न्यागू मध्ये छगू लिपिवद्ध दसि दुगू भाय ख: ।
 थवया लिपिवद्ध दसि ज्वलं ख: १. अभिलेख २. तमसुक आदि कालबिलया भो
 ३. त्हाँति च्वयात:गू सफूत । थुँपि स्वता लिपिवद्ध दसि ज्वलंया विशेषता नेवा:
 तया जक मखु नेपागा:या हे नं विशेषता ख: । नेपा:गा: क्षेत्रफलया दृष्टिं तसकं
 चिकीवा कू । तर अयसां थन यक्को सांस्कृतिक महत्त्व खने दया च्वंगु दु ।
 दोलंदो तमसुक, थ्यंमथ्यं ६-१० दो कृति खने द: व:गु दु । थव तसकं महत्त्व-
 पूर्णगु खँ ख: । तर भाषा प्रयोग दयेमा:गु व्याकरण-सजगता बुलुहुं हास जुया
 वना च्वंगु खने दु । थव सजगता लिच्छविकालया अन्तय वया: तसकं हास जूगु
 खने दु । थुगु हे इलयया शिलालेखय, कालबिलया भोतय, नापनापं सफू
 च्वयेगुलिइ नं नेपाल भाषाया प्रयोग जूगु दु । थुकथं नेपालभाषाया यक्को
 थासय प्रयोग जूसां भाषाया दृष्टिं स्वयेबले एकरूपता खने महु । संख्याया दृष्टिं
 अभिलेख दसि ज्वलं यक्को खने द:सां व ज्वलनय एकरूपताया अभाव खने दु ।
 टि. डब्ल्यु. क्लार्कजुं घयादीथे नेपालभाषा यक्को अभिलेख दसि दुगु हे थवया

भाषिक समस्या खः ।

श्व भाषाया लिपिवद्ध ज्वलनय् भाषिक एकरूपता खने मडुगुया छुं कारण थुपि खः -

१) न्हापा न्हापा शीगु समाजय् सफू स्वयेत-ब्वनेत सफू थःम्हं ल्ह्याः च्वयाः काये माः । अथवा सुं मेपित ध्यबा बिया ल्ह्याका काये माः । संदेशय् (ल्हासाय्) जूसा आखःथासा सिंयागु (wood-block) छ्यलेगु चलन दुगुलि अनया सफुती भाषिक एकरूपता खने दु । नापं इमिसं माक्को सफू नं दयके फत । तर शीथाय् अथे मज्ज । छायाधाःसा न्हापा न्हापा शीथाय् पुलांगु धारणां हा कया च्वंगुलि इमि विचाः कथं श्व (शास्त्र सफू च्वयेगु ज्या) पवित्र खः । उकिं श्वयात ल्हातंहे च्वये माः धंगु इमि धारणा खः । उबले सफू ल्ह्याइपि लिपिकारतय् नं गुठी थें जाःगु संस्था नं दु जुइ माः । उकिं नं इमिसं सफू थायेगु यन्त्र छुं मदयेकगु खः । बरू ल्हातं सफू च्वयेगु व ल्ह्यायेगु यात थुकथं शीथाय् सफ थायेगु यान्त्रिक साधन मडुगुलि ल्हातं हे सफू च्वयेगु ल्ह्यायेगु याना वःगुनि नेपाल भाषाय् एकरूपता मडुगु खः । अमरकोष, हितोपदेश, चाणक्य सार संग्रह आदि सफूया यक्को प्रति च्वया तःगु व ल्ह्याया तःगु खने दु । अले इलय् ब्यलय् च्वयातःगु ल्ह्यायातःगु उपि सफूत यक्को पाःगु खने दु ।

२) शीगु भाय् न्हापां जनस्तरीय भाय् जूगुलि साहित्यिक भाय् मज्जुगुलि नं थुकी व्याकरण व कोषया अभाव खने दु । शीगु भाषाय् थःगु हे कोष व व्याकरण खनेमडु । सन् १८३० पाखे पाश्चात्य विद्वान्त नेपाः वया इमिसं नेवाःतय्के 'छिस्मिगु भाय्या व्याकरण व कोष ग्व ?' धायवं यलया अमृतानन्द व्याकरण च्वयेगु यात । श्व १०० दं न्होया खं जुल । उकिं शीगु भाषाय् norm या अभाव जूगुलि नं शीगु भाषाय् यक्को अभिलेख-दसि-ज्वलं दःसां भाषाय् एकरूपता मडुगु खः ।

३) गनं गनं संज्ञाय् आदिइ एकरूपता खने दःसां सामाजिकवर्ग व

भौगोलिक थाय् स्वयाः भाषिका dialect पाइ । शिक्षित वक्त्रयया जातया-पिसं खं ल्हाइगु यक्को पाःगु खने दु । उकिं छद्माःया लागि शीसं ५००/६०० दं न्होया भाषाय् एकरूपता लुइकल धाःसां व यल, यँ, ख्वप भाय्या एकरूपता खः ला कि, बौद्धमार्गीतय् भाय्या एकरूपता खः ला कि, शिवमार्गीतय् भाय्या एकरूपता खः ला कि सीके मफुगुलि श्व नं समस्या हे जुयाच्वंगु दु ।

४) संसारय् ४००० गू ति भाय् दु । गूगुं नं भाषाय् गथे नोंवात अथे हे लिपि बद्ध यानाः च्वये मछि । थथे धायेबले शीके दुगु स्वता जि लिपिवद्ध दसि ज्वलंया नेपालभाषा अबले अबले नों वाइगु थें जाःगु हे भाषा खः ला मखु ला धगु समस्या न्होने च्वं वइ । उपि अभिलेखया भाषा उगु इलयया सीमितवर्ग नोंवाइगु भाय्या प्रतिनिधि भाय् खः ला कि अथवा उबलेया सम्पूर्ण जनतां नोंवाइगु भाय्या प्रतिनिधि खः ला ? छायाधाःसा उगु इलय् अभिलेख च्वईपि, च्वकीपि ध्यबाडुपि तःमिपि व शिक्षितत हे खः । थोंकन्हे नं शीगु भाषाय् एकरूपता मडु । नापं गुकथं नोंवाना च्वना उकथं च्वयाच्वनागु मडु ।

संसारया ४००० गूति भाषायात वर्गीकरण धायेबले विभिन्न प्रकारया भाय् खने दः वइ । गथे—

१) Inflecting Languages

२) Affixing Languages

३) Isolating Languages

Inflecting Language य् शब्द हे रूप जुया च्वनी । गथे संस्कृत भाषाया 'नदी' धंगु शब्दया विभिन्न विभक्ति-रूप दु । श्व विभक्ति स्वया वनी । संज्ञा जुइमा अथवा क्रिया जुइमा मूल शब्दया विभिन्न रूप दया च्वनी । संस्कृत भाय् रूप चले जुइगु भाय् खः ।

छगू मूल शब्दया छगू हे जक रूप देगुयात Isolating Language धाइ । चीनिया भाषा थुजागु हे भाषा खः ।

तर अंग्रेजी भाषा Affixing व Inflecting भाय् खने दु । छायाः सा अंग्रेजी भाषाया Sing, Sang, Sung जुया चवंगुलीस्वर-परिवर्तन (Vowel Change) जुया रूप-परिवर्तन जुया चवंगु खः । थुगु दसु स्वयेबले थ्व भाय् Inflecting भाय् खः । तर Walk, walks, walked, walking जुयाचवंगु दसु स्वयेबले थ्व भाय् Inflecting भाय् मखु । बरु थ्व Affixing भाय् खः । छायाः सा Walk या रूप मेमेगु जुडबले प्रत्यय जक जोडय जुड । उकि अंग्रेजी भाषाय् Inflecting व Affixing नितानि स्वरुप दु । चीनिया भाषाय् एक वचन (singular), बहुवचन (plural), भूत (past), वर्तमान काल (present tense) मदु ।

1. Shyam kicked Ram.

2. Ram kicked Shyam.

थुपि निगू वाक्यय् शब्द उलि उलि हे जूसां पद विन्यासं (word order रं) यानां अर्थ पात । चीनिया भाषाय् नं पदविन्यासं याना जक अर्थ पाइ ।

६०० दँ न्ह्योया नेपालभाषा गज्यागु भाय् खः ? रूपचले मज्जुगु ला ? वा अंग्रेजी भाय् थें affixing व inflecting खः ला ? अले, ६०० दँ न्ह्यो झीगु भाषाय पदविन्यासया स्थिति छु खः ? थुपि वाला स्वये बहू जू । थौं कन्हैया नेपालभाषाया पदविन्यास थये खः— न्हापां कर्ता अनं धर्म कले दकले लिपा क्रिया चवना वड । अंग्रेजी भाषाय् कर्ता, क्रिया व कर्म श्लोक चवना वडगु खः । अंग्रेजी भाषा क्रियापद दथुड चवना वडगु भाषा खः । थौं कन्है नेपालभाषा क्रियापद दकले लिपा चवना वडगु भाषा खः । उकि, थन थाय् बिचाः याये बहू जू— नेपालभाषाया वाक्य-गठनय (syntax) शुरु निसें हे क्रियापद ल्युने चवना वडगु भाषाया (Verb final language) प्रवृत्ति दुगु खः ला ? छु दसिया लिधंसाय् झीसं धाये फु उबले छु हद तक नेपाल भाषा क्रियापद दकले ल्युने चवना वडगु भाषा खः । गथेः—

श्री विष्णुगुप्त राजासन प्रथमस प्रचक्रजयलपेस थाप्रपा श्री विष्णुगुप्त

तीर्थनारायणस ध्वज यञ्चंगु धाय ।

सन धेगु गुगु संज्ञा प्रत्यय खः व तिब्बत-बर्मेली भाय् जन्म जुड स्वया न्ह्यो गुगु भाय् दु व Proto Tibeto--Burman भाषाय कारक विभक्ति प्रत्ययया च खः । गनं गनं स जकनं वः गनं न जक नं वः । तर थन स व न नितानि वया चवन । व हे छगू प्रत्यय स धेगु विभिन्न अर्थय प्रयोग जुड । थौं नेपालभाषाय् स locative सप्तमी विभक्ति रूपय् छयाला चवना । न थेगु agent व instrument या रूपय् प्रयोग जुयाचवन । अथे हे संज्ञाय्—या, यात, याके, यागु आदि प्रत्यय प्रयोग जुड । थुकथं थौं या नेपालभाषाय् थो थो कारक-विभक्ति-प्रत्यय स्वाइगु चलन दु । तर ६०० दँ न्ह्यो संज्ञा प्रत्यय कथं वडगु आपाः याताः स व न जक खः । लिपा तिन कारक विभक्ति प्रत्ययया विविध प्रयोग जुया वःगु खने दु । अर्थात् न्हाचः या वाक्यया थौं कन्हैयागु भासं हीके बलम्— श्री विष्णुगुप्त राजा न्हापां परबक्रयात त्याकेत स्थापनायानातःगु श्री विष्णुतीर्थनारायणयात यञ्चंगु धाय । धयागु वाक्यय् विविध विभक्ति-प्रत्यय रूप खने दत ।

६०० दँ न्ह्योया भाषा स्वयेबले नेपाल भाषा क्रियापद ल्युने चवना वडगु भाषा जक खने मदु, बरु locative final language नं खने दु ।

अथे हे गोपालराज वंशावलीया पौ ३२ या थ्व अंश काये—

ढडेरवटल जुया हेतुनक छाय व देशस असहन शिक्व धवतेस

विश्याको आनाच याङा देश जुयेको थ्व धवया शान्ति याय जुव देव थापर टवपनिचोसन भासं लेस अकाह मजुव देशस ॥

थन नेपाल भाषा क्रियापद ल्युने चवना वःगु भाय् खने दु । ढडेरवटल थेंगुया अर्थ छु खः ? झीतं अर्थ छयाये मफय् धुकल । पुलागु भाय्नाप सम्बन्ध

मदुगुलि थये जूगु खः ।

“वं चुरोट त्वन” धायेबले छगु घटना जुल । तर ‘वं चुरोट त्वं’ धायेबले stative form जुल । १७ रौ शताब्दिया Narrative खँ चवयेगु चलन लिसे क्रियाया ल्युने ‘म्’ धाइगु व चवइगु चलन दु । गथे- सिधलम्, जुलम्, धालम् आदि ।

गोपाल राज बंशावली या उद्धृतांश वाक्यय् वाक्य सिध्य धुंका देशस धका चवया तःगु दु । थ्व क्रियापद (verb) मखु । अले पुलांगु भाय् नाप सम्बन्ध तोफयूगुलि पुलांगु भाय्या शब्दया अर्थ मथुइ धुकल । व्याकरणया दृष्टि स्वल धाःसा थ्व संज्ञा ल्युने चवना वइगु भाषा (Noun final language) खने दु । गोपालराज बंशावली खप भाषां जक चवया तःगु मखु, संस्कृत भाषा बांलाक सःम्हस्यां चवयातःगु नं मखु । अले नेपाल भाषा सःम्हं चवया तःगु धायेत नं भाषाय् बिबिधता खने दु । छाय् धाःसा व हे छगु पतिइ नं, न, ड, ण, आदि छयला तःगु दु । ड velar, ण retroflex, न dental / nasal खः । थुपि अनुनासिक स्वर (Nasal Sounds) मध्ये उगु इलय् Dental, Velar, Retroflex गुगु गुगु छाय् गल गन छपलीगु खः धका सीकेत था हे थाकु । नेपाल भाषाया लिपिबद्ध दसिया विविधतां याना थये हे खः धका धाये फइमखु । तर अय्सां थुकी दुगु विविधतायात छे तयाः झीसं परिकल्पना (hypothesis) धाये माःगु दु ।

झीसं धाये फु उगु इलय् अनुनासिक स्वर (Nasal Sound) पक्का दु । तर उबलेया अनुनासिक स्वर क्रिया (Verb) खः ला धका स्वयेत मेमेगु ज्वलनापं तया लना स्वये माः । अले उगु इलय्या वाक्यया शब्द विन्यास (Word Order Pattern) गथे खः धका सीकेत यक्को समस्या दनि । थये हे झीसं उपवाक्य व वाक्यांशया तहल्य् (Clause and phrase level य्) नं परीक्षण याना स्वये फु । वाक्यांशया तहल्य् (level य्)

(८)

□ खेनुइताः ६ □

उबले साधारणतया हरेक वाक्यांशय् Nucleus धकाः मू खँवः (Head word) दया चवनी । वाक्य धइगु हे संज्ञा वाक्यांश व क्रिया वाक्यांश (noun phrase & verb phrase) या combination खः । “ व जिगु बांलाःगु न्हूगु सफू” थ्व संज्ञा वाक्यांश (noun phrase) या वमु खः । थुकी मू खँवः (Head word) सफू खः । थ्व Nucleus खः । मेगु फुकक शब्द हुया छवःसां “सफू” हुइ फइमखु । थुकी “सफू” शब्दनाप सम्बन्धितगु modify याइगु शब्दत “बांलाःगु, “न्हूगु” व “जिगु” खः । थुकी च- Deictic, जिगु- Possessive, बांलाःगु व न्हूगु Adjective खः । थुकथं थौंया नेपाल भाषाय् संज्ञा वाक्यांश (Noun Phrase) या “सफू” मू खँवः (Head word) लिउने वःगु खने दु । अले Head Noun या लिपा वये फुगु शब्द Numeral Classifier खः । झीगु नेपाल भाषाया (Noun Phrase) संज्ञा वाक्यांशया विशेषता थ्व खः । Modify याइगु शब्दत मू शब्दसिबे न्ह्योने वइ । थ्व हे नेपालभाषाया संज्ञा वाक्यांशया विशेषता खः । Modifier Head या सम्बन्धयात Precedence धाइ । गुगु Element या न्ह्योने गुगु शब्द वइ उकियात Precedence धाइ । थ्व syntaxय् तसकं सहत्व- पूर्णगु खँ खः । अंग्रेजी भाषाय् The my black book जुइसखु वरू The black book of mine जुइ अथवा My black book जक जुइ । थुकथं अंग्रेजी भाषाय् Possessive व Adjective नाप नाप वइ मखु । तर नेपालभाषाय् इपि नाप नाप वये फु ।

६०० दँ न्ह्योया नेपाल भाषा Isolating language खः । उबले थ्व भाषाय् प्रत्यय छता नित्त जक खने दु । गथे स, न । मेमेगु प्रत्ययया प्रयोग खने दुसां तसकं न्हो जक । थुकी आषाः रूप मदु । तर थौंकन्हे

□ खेनुइताः ६ □

(९)

श्व भाषाय संज्ञाया रूप थी थी खने दया बल । “वना चना” धायेबले मूल क्रिया (main verb) “वना” खः । अले “चन” सहायक क्रिया (Auxiliary verb) खः । नेपालभाषाय Continuous tense verb या रूप दयेकेत सहायक क्रिया तोफिका गबले नं दयेके फइमखु ।

६०० दं न्ह्यो नेपालभाषाय ‘रपा’ धइगु प्रत्यय प्रयोग जुयाचवंगु दु । श्व आश्चर्य जनक कथं प्रयोग जुयाचवंगु दु । क्रियाया रूप चले मजुइबले श्वया गवहालि कयाः रूप चले याइ । गथे ‘भुक्तरपा’ ‘भुक्तरपे’ ‘भुक्तरपास’ आदि । श्व ‘रपा’ प्रत्यय याना नेपालभाषाय Inflecting Language या थें स्वभाव दुगु खः । थौं हे नं नेपालभाषाय वर्तमान काल क्रियापद (Present tense verb) दु ला धइगु प्रश्न वइ । गथे – “व वन” भूत (Past), “व वं” stative, “व वनी” भविष्य काल (Future tense) । उकि थौं कन्हेया नेपालभाषाय स्वल धायेवं past व non past जक दु । ६०० दं न्ह्यो निगू जक tense खने दु—past व non past । अले “वव” “शिव” “गाव” धका past जक दु । थुकथं ६०० दं न्ह्योया क्रिया व संज्ञा (verb noun) या रूपय विविधता मडु । Past form जक उबले खने दुगुलि नेपालभाषा उबले Isolating भाय खः ला धाये छि । थौं कन्हे थें न्हापा नं मू खेवः स्वया न्ह्यो Modifier वःगु खने दु । श्व चीन-संयु (Sino-Tibetan) भाषा परिवारया विशेषता थें खने दु । Sino-Tibetan यनं संज्ञा वाक्यांश न्हावले Nucleus या लिउने वःगु खने दु । थौं नं Sino-Tibetan भाषयात श्व प्रवृत्ति सुरक्षित (Preserve) याना तःगु खने दु । न्हाचःया “व जिगु बांलाःगु न्हगु सकू” वाक्यांशय “जिगु” “बांलाःगु” “न्हगु” धका गुगु चवया तल व Nucleus inanimate जगुलि “गु” प्रत्यय छपला तःगु खः । थौं नं निर्जीव वस्तु (inanimate) नाप “गु” व सजीव प्राणी (animate) नाप “म्ह” वइ । श्वयात Animacy Concord धाइ । श्व concord ६०० दं न्ह्यो विकास मजुनि थें च्वं ।

उबले श्व “म्ह” व “गु” प्रयोग यायेगु चलन मडु थें च्वं ।

सम्बत ३६१ ज्येष्ठ शुक्ल अष्टमी यम्बु याटुम्बहार
क्वाठ चाल्यका यन्हं कीर्तिपाल भारोस

धक’ चायेकम्ह धायेत “चाल्यका” जक दु । उकि उबलेया नेवाः भाषाय Animacy concord खने मडु । Classifier system या ‘म्ह’, ‘गु’ गोपालराजवंशावली व मानव न्यायशास्त्र सफुती तर्क म्हो जक प्रयोग जूगु खने दु । थौं कन्हेया नेपालभाषा संज्ञा वाक्यांश (Noun phrase) य् स्वंगु विशेषता खने दु ।

१) ANIMACY CONCORD-- सजीव जूसा ‘म्ह’ वइगु व निर्जीव जूसा ‘गु’ वइगु खः । श्व व्याकरण syntax या दृष्टिकोणं नेपालभाषाया मूलगु विशेषता खः ।

२) CLASSIFIER SYSTEM – संज्ञा (Noun) या आकार प्रकार स्वया तइगु प्रत्यय व्यवस्था विशेष Classifier system खः । गथे :- छगू-निगू, छपाः-निपाः, छता-निता, छको-निफो आदि ।

३) AFFIXATION -- षष्ठी विभक्ति रूपय सम्बन्ध कारकया (Genitive case) जूसा नेपालभाषाया संज्ञाया लिउने “या”, “यागु” “याम्ह” वइ । अधिकरण कारकया सेप्तमी विभक्ति रूपय (Location य्) जूसा “स” अले Association य् जूसा “याके” वइ । गथे:- म्हिगः थन वःम्ह मनु” धइगु छगू संज्ञा वाक्यांश (Noun phrase) यात अंग्रेजी भाषाय हिलेबले The man who came here yester-day जुइ । थये धायेबले श्व छगू उपवाक्य (clause) खः । श्व पूरा संज्ञा वाक्यांश (Noun phrase) यात हे शीसं कारकया विभक्ति रूप उयाना छपले ज्यू । गथे- “म्हिगः थन वःम्ह मनुया, - यागु, याम्ह- , यात, -याके... आदि । थुकथं नेपालभाषाय पूरा संज्ञा वाक्यांश (Noun phrase) य् हे विभक्ति रूप

चलेयाये शु।

थुक्थं थौ या व्याकरण कथं संज्ञा वाक्यांश (Noun-phrase) ग्
थ्व विशेषता खने दु। तर ६०० दँ न्होया भाषाय् थ्व विशेषता खने दु ला
मडुला स्वये बहजू । गोपालराजवशावली व मानव न्यायशास्त्र सफुती थुपि
विशेषताया दसु छुं छुं खने दु। न्हापा मानव न्यायशास्त्रया पाखे छगू वाक्य
दसु काये-

‘पुरुष सिडाव स्वंचा रहिस्यं चो ग्व स्त्री’ (भाःत सिनालि मचा लहिना
चवंस्ह मिसा) । थ्व वाक्यय् ‘चो ग्व स्त्री’ च्वया तल । तर “म्ह” च्वया
तःगु मडु। उकि उबले संभवतः नेपालभाषाय् सजीव व निर्जीव बोधक
संज्ञाय् (Animates-In-animate noun य्) छ्यलीगु प्रत्ययया बांलाक
विकास मज्जनी ला धयागु न्हासः दँ वइ। थ्व वाक्य धातु धायेसा छगू
संज्ञा वाक्यांश (Noun phrase) छः । “सिना” या उच्चारण ताहाकः
(a) जुइ। थ्व participle form जुल । तर “लहिना” या “ना” या
उच्चारण ताहाकः जुइमखु । थ्व Gerund form छः । “लहिना” या
न्हापा “रहिस्य” जुया चवंगु दु। थन थाय् मेगु छगू वाक्य स्वये- ‘वं थन
नया वन’ थ्व वाक्ययात अकरण (Negative) यायेबले “वं थन मनस्यं
वन’ जुइ। उकि न्हापाया Gerund form या “स्य” तनां स्वर
(Vowel) जक ल्यं दनि। तर उकियात वं अकरण (Negative)
यायेबले व “स्य” खने दयेतः वः । गथे- मनस्य, मयास्य, मधास्य, मकास्य
इत्यादि । “सिडाव” Participle form जुल । क्रियायात संज्ञा थें प्रयोग
यायेगु चलन उबले हे बलने धुंकूगु सी दु। च्वय्या संज्ञा वाक्यांश (Noun
phrase) य् स्वर धाःसा दकले लिपा संज्ञा (Noun) वःगु, वषा न्होने
मेमेगु शब्दत वःगु थौं कन्हेया नेपालभाषाय् थें हे छः । तर उकी
Animacy Concord व Classifier System धाःसा खने मडुनि।
बर कारक विभक्ति प्रत्यय चि “सन” खने दु। अले, ६०० दँ न्हापा टो, तो,

टोम्, नं थक्क छयलेगु याना वयाचंगु खने दु। थुकिया दसु गोया
राजवंशावलीया पौ ४६ (श) : ४-४६ (ख) : २ या थुपि उद्धृतांशय् स्वये-

सं ४४ ६ माघ शुदि ३ तिरहुतिः हरसिंह राजामन मिथतामन
तो सन्त्र गृहीतो हिलिस तुरक्याके वड रायन मोनारपंम्,
थमु अगुमन यास्यं वस्यम् शिमरावनगह भङ्ग याङ्ग,
तिरहुतिया राजा महाथ आदिन सनस्त वड्ड ब्यसनवड
ग्वटोम्, ग्वलछिनो लिन्दुविर वय, ग्वलछिन राजग्राम
इलछा घारे वंग्र टिपाटप राजा हरसिंह टो शिक्व,
थ्वस कायन महाथन उभय वंधि येडा कुलन वडोड, जि
फंग्व, राजग्रामया मझी भारो धायान सनस्त धन कासन

थुकी टो/ तो टोम् प्रयोग जूगु खने दु। थ्व संज्ञा वाक्यांश क्रिया
वाक्यांशनापं जोड बीगु अर्थ (emphasis) या रूपय् वया चवंगु खने दु।
अले ‘व’ form घटना खं न्यंकेत (Narrate धातु) प्रयोग जूगु खने दु। गथे
‘वड’, ‘वंग्व’, ‘शिक्व’ ‘फंग्व’ आदि छयना तःगु खने दु।

६०० दँ न्होया क्रिया वाक्यांश (Verb Phrase) गय् चवं ?
थौया श्री नेपालभाषाया वाक्यय् कर्ता (Subject), कर्म (object) व
क्रियापद (Verb) शोलाक वइगु छः। थुकी Verb phrase
दकले लिउने वइ। थ्व क्रिया वाक्यांश (Verb phrase या)
विशेषता हे मूल क्रियाया लिउने सहायक क्रिया (Auxiliary Verb)
वइगु छः। अंग्रेजी भाषाया वाक्यय् कर्ता (Subject), क्रियापद (verb)
व कर्म (object) छसिकथं शो छुकीगुलि उकी न्हापा सहायक क्रिया
वइ। अले उकी नापसं मूल क्रिया (finite verb) वइगु छः। गुगु नं
भाषाय् कर्ता (subject), कर्म (object) व क्रियापद (Verb) शो छुना
वइगु जुल धाःसा मूल क्रिया (Main verb) न्हापा शो मछुसे मगाः

अथवा उकी सहायक क्रिया लिपा मवसे मगाः । उकि नेपालभाषाय् 'वं नया च्वन' जूसा अंग्रेजी भाषाय् He is eating जुइ ।

२. Ablant System-झीगु नेपाल भाषाया क्रिया (Verb)या रूप थुक्थं चले जुया च्वंगु खने दु -

		Conjunct	Disjunct
वं नल-	a	past ā	a
जि नया-	ā		
वं नइ-	i	non-past e	i
जि नये-	e		

नेपालभाषाया क्रियापदया सामान्यतः थुपि हे प्यता जि रूपावली खने दु । क्रियापदया रूप हिलेबले क्रियाया स्वर परिवर्तन (Vowel change) जुइगु व्यवस्था विशेषयात हे Ablaut System धाइ । अंग्रेजी भाषाय् नं sing, sang, sung धायेबले स्वरया रूप (Vowel form) जक हिल । थुकी अ, आ भूतकालिक क्रिया रूप सूचक (Past form) खः, इ, य, ये non-past अ- भूतकालिक रूप खः । नेपालभाषाया क्रियाय् Finite Verb धायेबले क्रियाया काल (tense) व पुरुष (person) नाप सम्बन्धित जुया च्वनी ! अ, आ, इ, य, ये कारान्त क्रिया हे मूल क्रियापदया Finite रूप खः ।

नेपालभाषाया क्रियाय् रूप उत चले मजू । क्रियाय् Inflected form तसकं म्हो । अगष्ट कनरेड सन् १८६३ स च्वंगु छगू लेखय् नेवाः भाषाया क्रिया ला क्रिया हे मखु, वरु संज्ञा (Noun) खः धका धया दीगु दु । नेवाः भाषाया क्रियापद (verb) संज्ञा (noun) थें प्रयोग जुया च्वंगु दु । अले नेपालभाषाय् विशेषण नं (Adjective) तसकं सीमित प्रयोग जूगु खने दु । छायाःसा नेपालभाषाय् विशेषणयात (Adjective) क्रियापद (verb) ज्याये ज्यू । गथे- "वं मचा गंसि जुल । धायेबले 'गंसि' वास्तव्य विशेषण (Adjective) खःसां थन 'गंसि जुल'

धायेबले उकि विशेषण थें ज्या मयासे क्रियापदया ज्या याना च्वंगुलि व क्रियापद (Verb) जुल । अथे जूगुलि नेपालभाषाय् विशेषण धइगु हे क्रियापद (verb) व संज्ञा (noun) खः ।

नेपालभाषाय् क्रियाया Modal, Aspect, Tense नं मूल क्रियापद (Main verb) य् वइमखु, सहायक क्रियापदय् (Auxiliary Verb) वइ । गथे 'वं वना च्वन' धायेबले थन 'वनेगु ज्या सिमधःनि' धयागु ध्वाथ वल । थ्व Aspect खः । थन 'च्वन' धइगु सहायक क्रियाय् (Auxiliary verb य्) Aspect सूचित जुया च्वनी । उकि नेपालभाषाय् Aspect या कु कुर्वागु ज्या सहायक क्रिया (Auxiliary Verb) याना च्वनी । सहायक क्रियां Aspect, Tense Modality या ज्या नं याना च्वंगु दु । 'वं नो'वाये त्यन' 'वं नो'वाना च्वन' व 'वं नो'वाना वन । इत्यादि वाक्य अभिव्यक्त याइगु थीथी अर्थ विशेषयात Modality धाइ । क्रियां गुगु ज्या अभिव्यक्त याःगु खः, गबले सिधइ, गन सिधइ धका व्यक्त याइगु अर्थ आशययात Attitude Modality धाइ । "वं छ्येय् दु खनिसा" धायेबले व छ्ये दुगु सत्य खँ खः धइगु अर्थ आशय पिज्वःगु Attitude Modality या दनु खः ।

६०० दँ न्ह्यो थ्व खँ गय् जुल धका स्वयेबले थुकी क्रियापदय् finite past form या प्रचलन आपाः दु, क्रियाया ल्युने सहायक क्रिया घाना वयाच्वनीगु चलन खने दु । थ्व सहायक क्रिया नं "जुरो", "थजुरो" धइगु अर्थय् जक सीमित खने दु । अले ज्या पूर्ण जूगु आशयया (Perfect - Aspect) क्यनेमाल धाःसा "ज्या सिद्धल" थें जागु सहायक क्रिया छ्यला तःगु खने दु ।

नेपाल भाषाय् "रपा" धइगु प्रत्यय क्रियाया ल्युने स्वायेगु चलन खने

हु । संस्कृत क्रिया पदे याना नेपालभाषा क्रियापद याना छ्यले माल कि संस्कृत क्रियाया ल्युने 'रपा' प्रत्यय स्वाङ्गु चलन हु । ध्वया अवशेष व प्रचलन थौं कन्हे नं दनि । गथे- दोहरपे, सुमलपे, भपे इत्यादि । थौं कन्हेया क्रियाया 'पे' थौं कन्हेया क्रियाया 'पे' कारान्त Ending 'रपा' प्रत्यय व क्रिया धातु छधी जुया 'पे' कारान्त जू वंगु खने दु ।

जीगु नेपालभाषाय Morphology सीमित जूगुलि मेमेगु ज्यावः छ्यले माःगु खः । यदि Morphology तःमि जूगुसा छगू हे क्रियाया माध्यमं विभिन्न Mood, Aspect अभिव्यक्त याये फइगु खः । तर नेपाल भाषाय Morphology सीमित जूगुलि सहायक क्रिया प्रयोग याये माल ।

Periphrastic verb phrase:- “व थन वःगु जुया च्वन धइगु सी दत खनी सा” ध्व वाक्यय् क्रियाय् क्रिया छद्यतना च्वंगु दु । थुकी “वःगु”, “जुया च्वन”, “सी दत”, “खनी सा” धइगु फुक्कं क्रिया हे खः । थुकथं क्रिया छधी थें च्वंक माः माः हने माःगु हे क्रियाया रूपावली सीमित जूगुलि खः । थुकथं गुगुं क्रियाय् क्रिया छद्यतना माः माः हना छ्यलेगु जूगु खः क्रियाया रूपावली दयेकूगु संस्कृत व Latin भाषाय ला छगू हे क्रियाया रूप चले याना याये फइगु खः । थये जूगु नेपाल भाषाय Morphology नं ज्या मबिउगुलि Syntax या ग्वहलि काःगु खः । उबलेया नेपालभाषाय क्रिया वाक्यांश बुलहुं बुलहुं Periphrastic Verb Phrase य् विकास जूगु खने दु ।

न्यापाया क्रियाय् “स्के” नं प्रयोग जूगु दु । मानव न्यायशास्त्र सफुती “स्के” ब्राम्हणस्के धका ब्राम्हणयाकेया अर्थ व्यक्त यायेत जूगु खने दु । ‘उत्तर बने माल खः’, ‘लखय् क्वन्वां बने माल’ धाःगु थनया “खः” evidential system या चि खः । गुगु Statement धाल व खःला कि मखु नोंबाः म्हस्यां हे थर याना धाइगु हे evidential

system खः । ध्व evidential system या विकास यक्को न्यापा जूगु खने दु । मानव न्यायशास्त्र नारद स्मृति सफुती थुंका नेपालभाषाय Periphrastic verb phrase या नं विकास जुइ धुंकल ।

नेपालभाषा छगू सँय-वर्मेली चाइनो-तिब्बत भाय् खलःया छगू भाय् जूगुलि ध्व भाय्या स्वभाव Isolating language या स्वभाव थें खः । संज्ञाया रूप चले मज्जुगुलि उगु संज्ञाया गुगुं कारकया अर्थ व्यक्त यायेत विभिन्न विभक्ति प्रत्यय संज्ञाया ल्युने स्वाये माःगु जुल । न्यापा नेपाल भाषाय विभक्ति प्रत्यय ‘न’ व ‘स’ जक हे खने दु । लिपा लिपा तिनि मेमेगु विभक्ति प्रत्यय खो दरेक वन । गथे ‘या’, ‘याके’, ‘यात’ इत्यादि । ध्वया नापनापं classifier system या नं विकास जुल । छम्ह जर्मनया धापा कथं व्यापारी समुदायतय् दयुइ व व्यापार तसकं चले जूगु थासय् Classifier System या आपालं विकास जूगु खने दु । न्यापा छगू, निगू, स्वंगू धका निनेया लागि माःगु Classifier या विकास जुल । अनं लिपा Periphrastic verb phrase या विकास जूगु खने दु ।

नेपालभाषा रूप चले मज्जुगुया दसि थौं कन्हे नं दनि । नेपाल भाषाय भविष्यत काल (future tense), वर्तमान काल (present tense) या स्पष्ट फरकगु रूप खने मदु । अले धास्थे धाये माल धाःसा नेपाल भाषाय प्रथम, मध्यम व उत्तम पुरुष (First, Second व Third

Person) या रूप भेद नं मदु । बरु Conjunct व Disjunct रूप जक दु । नेपाल भाषा रूप चले मज्जुगु भाषा जूगुलि वाक्य गठनय् पद विन्यासया (Word order या) तसकं महत्त्वपूर्ण भूमिका दु । तर नेपाल भाषाय पद विन्यासया नियम नं दृढ जूगु मदु । थौं कन्हेया नेपाल भाषाय पद विन्यासया नियम छुं छुं दृढ जूगु खने दु । ध्व पद विन्यासया

नियम दृढतापूर्वक ढीलां ज्वलं न नेपालभाषा रूप चले म्हाङ्ग भाषा जुया खः ।

अथेला गोपाल राजवंशावली सफू जुजु जयस्थिति राज मल्ल या शासन कालय संग्रह जुगु खः । तर उकी थक्व न्ह्योया नेपाल भाषाया स्वरूप लुथा च्वंगु दु । उकी ने. सं. १७७ निसं ५०६ तकया घटनावली खँ च्वया तःगु दु । थ्व ताडपत्रय भुजिमो लिपि च्वया तःगु सफू खः । थुकी नेपाल भाषा व नेपाल सम्बन्धी मेरेगु यदको दिग्दया पुलांगु प्रामाणिक दसि ज्वलं मुना च्वंगु दु ।



थौया थ्व प्रवचनय न्ह्यब्वयागु खुसः दँ न्ह्योया नेपालभाषा सम्बन्धी खँ परीक्षण याना स्वये मानिगु परिकल्पना (Hypothesis) जक खः । हायन्स जोगेन्सनया सफुती नेपालभाषायात Classical Newari Language धका नां छुना तःगु दु । व Classical Newari यात प्राः बोलाक अध्ययन याना स्वये माले धुंकल । खतु जोगेन्सन इ. सन १३६० निसं १६०० तकया ज्वलं छ्यलाः ब्याकरण व कोश सफू च्वया थका दीगु खः । नेपालभाषाया थीथी अभिलेख, अभिलेख सफू, ने. सं. ५०१ व ५०६ या अमरकोश वय्कलं ब्वना दीगु सी मडु । वय्कलं छ्यला दीगु ज्वलं ई. सन्या १७ गूगु निसं १६ गूगु शताब्दी दुनेया सीमित अभिलेख सफू ज्वलं जक खः । उकि थ्व Classical Newari धाःगुयात नं निब्व थले माःथें च्वन- १. सन् १७ गूगु शताब्दी न्ह्योया व २. १७ गूगु शताब्दी लिपाया Early व Late Classical Newari ।

जोगेन्सन नेपालभाषाया क्रियाया ३० गू रूप दु धका कयना थकल । वय्कःया ब्याकरण बोलाक अध्ययन विश्लेषण याना स्वयेबले वय्कलं क्रिया धातु जक मडु प्रत्यय जुया वडगु रूप विशेषयात नं क्रियाया रूप (verb

stem) स्वीकार याना दीगु सी दु । गथे-जू, जु, जुल, जुनसा, जुलबें, जुलनं इत्यादिवात नं क्रिया रूप दु थ्याका दिल । 'सा', 'न' यात क्रिया धाये फइमडु । ईपि प्रत्यय जक खः । वय्कलं गुनं छगू विशेष सीमित समयावधिया ब्याकरण च्वया दीगु ला मडु । वय्कलं मुने फुगु छुं छुं ल्हाति च्वया सकूया लिपिंसा कया जक उगु ब्याकरण सफू च्वया थका दीगु खः । उकि वय्कःया ब्याकरण सन् १४-१६ सदीया भाषाया प्रतिनिधित्व मयाः । □

[थ्व च्वखँ पाटन संयुक्त क्याम्पसय सञ्चालित नेपाल भाषा साहित्य विषयया स्नातकोत्तर कक्षाया विद्यार्थीपिन्त हनेबहम्ह प्रो. डा. कमलप्रकाश मल्लजु प्रवचन न्यं हा दीगु खः । प्रवचन न्यनालिसे मय्जु प्रेम हिरा तुलाधरं (पद्य कया क्याम्पसय नेपाल भाषा विषयया सहायक प्राध्यापक व स्नातकोत्तर कक्षाया विद्यार्थी) लिपिवद्ध याना दीगु खः । थुकियात डा० मल्ल जुं माः माः थाय् भिकाः तने माः थाय् तना दीगु दु (पौ ११ या इवः ६ तक प्रवचन बिद्या दीगु खः) । डा० मल्लजुया स्वीकृति कयाः थ्व च्वखँ नेपाल भाषाया स्नातकोत्तर कक्षाया विद्यार्थीपिन्त व नेपालभाषाया अध्ययनार्थी एवं अन्वेषकतय निति नं ज्याय् छ्यले दुगु जुयाः थन न्ह्यब्वयागु खः । सम्बन्धित सकलप्रति सधन्यवाद साभार प्रकट यानागु जुल- सं. १]

ने. सं ११०५ न्हू दँया लसताय सकसितं

 भितुना 

जिमिगु डेरी उद्योगं पिहां वःगु उच्चस्तरीय चीज, मक्खन, धौ, व वुरु छ्यलाः न्हू उद्योगयात तेवा बिद्यादिसं ।

हिमालय डेरी प्रोडक्ट्स (प्रा.) लि.

इतिस्वाः यल

फोन ५-२२४६६

थे चर्वपि स्वम्ह कापःयापि कतामरि दयके बिल । काचावक स्वयवलय
स्वम्हं व मिसा थे हे सजीव खने दु । अले स्वम्हं कतामरि दुने कां हना-
तल । इपि न्होने इपि ल्यूने ल्यूने वयाचवन । । प्यन्हु खून्हु अय्लाःगुलु
थ्यंकः वल ।

“का, दाजु ! छम्ह छं यंकि । मेपि ला सकले दइ मखु ।” व मनून धाल ।
“का ज्यू ! छम्ह दःसा गाः ।” धकाः न्होने च्वम्ह कतामरि सालाकाःगु ला
लिउने चर्वपि नं ग्वतू वन । अय्लाःगुलु ला थारा न्हल ।

“का, स्याहे स्या थ्वेत !” धकाः व दाजु बेतोड हाल । अय्लाःगुलु ला
बेतोड बिस्सु वन । थथे जुक्ति याताः व दाजु मवायात सकुशल धन गाडी
फुक्कं छे थ्यंकाबिल ।

“का, आःखुन्हु बालाक जां दय्काः जीवन हना च्वे ।” व मनून धाल ।
“छ धन्य खः, दाजु ! छं निगू गाडा दां ज्वना हु । मेगु जि छुं
बी मफुत ।” व मचां धाल ।

“मवाःल ! जि छुं हे काय्मखु । छं अग्रयाके न्यासःदां यंकागु तमसुक
भवं खुनाव्यु ।” धकाः न्हापायागु भवं खुकेबिल । अले न्हापा कयातःगु
न्यासःदां लित बिल ।

“मखु दाजु, आःछन्त स्वंगू गाडा दां बिथा छव्य ।” धकाः व मवां
जिदि यासैलि बल्ल माने जुयाः अनं त्रिदावारी जुयाः व बुरमां दाजु
थःगु हे ठगतय्गु देशय् लिहां वन ।

उलिचिया बाखं थुलि

ध्यः तय्गु कुलि ...

ऐतिहासिक ख्यालः

श्रीश्री सिद्धिर्नासिह मरुलं पलिस्था याता थकूगु यलय प्रख्यात कातो प्याखंया

नाथः प्याखंया स्वंगूगु प्याखं

कौला खिचा

न्ह्यवःम्ह चक्रघर शर्मा ।

लू १

श्रीगणेशाय नमः ।।

(छन्हु वाःथःत चाःहिहयुं छथाय् मवीं लाः वन । त्यानु लकेत इपि स्वहा
छथाय् पाउकं फयतुना उखेंथुखें स्वस्वं च्वंवन । इमिसं तापाक वैच्वंम्ह
मनू छम्ह खत ।)

बाःथः किजा —(ल्यूताः ख्वालं) अय् दाजुपि, हुं वैच्वंम्ह मनू छम्ह खं ला ?
कीत पालं व्यू वःह्य ला मखु ला व ?

समा दाजु —(बाःथः किजाया म्हुनु प्वाः तिके भाय् यायां) सुम्क नि च्वे ।
थन थपेवं सि हे सी नि ।

वा:थ: किजा- मेगु हे लं वंसा छु याय ले, बाजु ?

गं बाजु -थुगु हे लं बल । ग्वसा: ग्व: सां जिल ।

(ईपि थय् हाला: चव्वेवं व मन् इमि म्हाणे लैय् थयन । इमिसं वयात ब्राम्ह बाज्या धका: म्हाणीका भाग्याय् ति बाज्या धाधां वया म्हाणे छयं ववछुकल । ब्राम्ह बाज्यां नं स्वस्ति, जय जुइसा धाधां इमि छयने ल्हा: दिक्कल ।)

वा:थ: किजा- (स्वयं हे नय् पित्या: ल्बालं ल्या: दाय् थें) थौं गन बिज्याकागु, बाज्या ? ह्य नं फुसुलू तिनि । छप्ब: निप्ब: नं महु ला ?

ब्राम्ह - ज्या वनेत वैगु तिनि । प्बा: नापं फुसुलू तिनि । (हथाय् पहलं थ:गु लै लो थयन)

गं बाजु- आ: हथाय् छाय् ले ? (लं म्हा पपं) गन थयंके भा:गु ले, छ: पो

ब्राम्ह - ख: थव गुं पुला: छखे गानय् चवम्ह जजमां छम्ह मफयका चवन छनि । शान्ति याय् माल धका: स:ता: हल । उकें हथसं वया चवनागु का ।

वा:थ: किजा- अय्सा लिबाके मज्यू ख: । का बिज्याकि । जिपि नं थन ग्वीं धौं भालुतसें लुताहातसें मन्तय्त्त छुंछां या:सा ग्वाहालि बी मा:गुलि थन आ:हिला जुयागु । उकें छ:पो लिहां बिज्याकेबले तप्यंका थव हे लं लिसें बिज्याकि । थन जिपि मझै मखु खं ला, ग्याना बिज्याय् म्बा: । अन बीगु माल मील नं तोता थके म्बा: उवना हे बिज्याकि म्हा ?

ब्राम्ह- छिपि थन दंगु सा जित: ला तस्तक मन हे याउँल । ब्राम्ह ब:गु लै लिना वनी)

लू २

(ब्राम्ह जजमांया छेय् दुहां वन । जजमान नं का, बाज्या थयन धाधां बाज्यायात भाग्याना वय्युकल ।)

ब्राम्ह - छु जूगु ? गुलि वत्त म्हां मफुगु ? ज्यूनं म्हापा स्वया गाक्क हे गंसि जुइ धुकल छनि ।

जजमां - बाज्या छु याय् ? दशां थिल कि सुमानं तोतके मफु छनि । गुलि बी तय्के धुन । गुलि फूफा: याके धुन । खिचायात गुलि चिप नके धन । गुलि वास: नय् धुन । दैद्य गुलि हिले धुन । ग्व, सुनां छु याय् फत ? छयबा इमिके, लवय् जिके । भा: थुकथं जक मजिल पूजा पाठ यानां जोके फैला धका: म्हापां जात: वयन । जातलय् न वशा मभि हं । शान्ति वाय् माल हं । उकें बाज्यायात दु:ख बी माल दिक्क चाबा बिज्याय मने ।

ब्राम्ह - हरे । छाय् दिक्क चाय् ? उलिमछि छ छम्ह मफुत नं जित: सुनानं हे छुं तक धा: ब:गु महुका । तापाइगु मज्यूगु नं थुलि छेय् का । गुं गुं बय् मा: । ग्यानापुगु लै । जन्तुतय्गु मय । ला:सा लूताहात नं दय् फुगु लै । नसा ला तोमफय् म्बा ?

जजमां - नय् ला यो बाज्या । नसा मतोता । अयसां ग्व ? न लवय् लं, न तिले गयं ।

ब्राम्ह - साहुनी नं थपाय्चकं गने धुकल । छु जूगु छिमित थव ?

जजमां - व जक मखु सकलें हे गंसि जुइ धुकल । लवय् महुसां जिगु पीर धन्ना ला थिमिके द हे दु धा:सा थिपि गय् गंसि मज्जी ?

ब्राम्ह - म्बाल: थव खँ । शान्ति याय् ला हे लाइनि । शान्ति वाय्गु गन ? जबलं फुक्क चूलाके धुन ला ? जोशीं छु शान्ति वाय्गु धं हल ? दान याय् माय्का ह:गु दु ला ?

साहुनी - जबल सकतां: ता:लाके धुन, बाज्या । दुगु छम्ह बान या धै ह:गु दु । थन हे याय् मज्यू ला, बाज्या ।

ब्राम्ह - ज्यू, ज्यू । हूँ कं हि फुक्क । थन बँ इले धुनागु ख: ला ?

साहुनी - धुन, बाज्या । जबलं जि तलय् कं हय् का । (जबलं का: वनी)

- ब्राम्ह - जोशी छु दशा धै हल ? बनि धा ।
- जजमां - मस्यु, बाज्या । मार्का लाः धाः थै च्वं ।
- ब्राम्ह - सुं ग्रह मारकेशजुया च्वन ज्वी । ब हे धै हः गु का आम । छिमि
न्यापनय् मार्का धाः थै च्वन का । का स्व । गुलि ज्या मछिगु ?
सु ग्रहबागु दशा धकाः च्वनेगु ? म्यंके छवयां नं लाः गु मखुत ।
तापाक वने मानि । छिपि ग्वाज्यः त हे का ।
- जजमां - गय् बाय्ले बाज्या दान याय्त ।
- ब्राम्ह - गय् बाय् धाय् माः गु छु दु ? दान याय् गु का छंगु फुकक दशा
शान्ति ज्वीमा धकाः च्वने जि हे ज्यू न ।
- जजमां - ज्यू का बाज्या अयसा ।
(शान्ति पूजा याय् धुंकाः दुगुधा नं दान यात । बाज्यायात म्वय्
नकल । थःपिन नं नल । अनलि)
- ब्राम्ह - जि तापाक वने मानि । आः छगु लव्य लाया बनि । धन्ना काय्
म्वाः । (ब्राम्ह दुगुचा ज्वना वेंवें लैय पुतुपुतु हाहां वनि)
लवचें देवैतक थःत लासां मथने धुं कल । वासल मथी धुं कल ।
जोशी वयमां जी ला धकाः जोशी वयमं ला जोशी धाः गु लुमसपि ।
छु कुतः दुपि ला मखु थिपि । धर्मया ज्या ज्वीबले न्यापासं थव
हे पह छनि । जि ला ज्यू कथहे यानागु । जितः छु ?
बांमलाः सा दुगु छम्ह ब हे दत ।

लू ३

(वेंवें ब्राम्ह बाःपःत दु बाय् ग्वी थ्यन । बाःथःत ब्राम्ह बाज्या
वया च्वंगु खनाः यववय् सल्लाह याइ)

बाःपः किजा- अय् दाजुपि, ब्राम्ह बाज्या ला खने दय्कः बल नि ।

समा दाजु } अजिङ्गरयात च्वं नसातः बइ धाङ्गु खः खनी । का, आः म्वमाः
गं दाजु } म्वःसां जिल ।

समा दाजु - श्री स्वम्ह छथासं मच्चसे कालय् कालय् च्वने माली का । मखुसा
मेगु लं बायाः वनी । (बाःपःत निका स्व का लें दुदुयाय छम्ह छम्ह
च्वं वन । ब्राम्ह न्हापां गं दागु च्वं च्वथान थ्यन)

ग दाजु - बिज्याके धुन ला, बाज्या । पाउ लागि, बाज्या ।

ब्राम्ह - भाग्यमानि जुइमा छिपि । छिपि थन बइ धाः गुलि थव हे लं लिहां
वया । धा थै छिपि थन च्वं च्वन । जय ज्वीमा छिमि मेपि ग्वले ?

ग दाजु - छुयाय्, बाज्या ? छथाय् जक बिचाः याना मनाः । मेमेथासय् नं
बिचाः याकेत छवया तया का । छःपोयात थाकु ला मज्जु हला ?
म्वःला आपाः मदुनि ।

ब्राम्ह - छवःयाना हथागुलि आपाः मदु थै च्वन का । द ला दु हे
धाय् माः ।

गं दाजु - बिज्याकि, ग्याना बिज्याय् म्वाः । (सुम्क लें लिता बंम्ह ब्राम्हयात
छान सःताः)

बाज्या, आम लिउने छु न्याय्का हथागु ?

ब्राम्ह - मिन्ना मदुम्ह थै छु न्यनागु ? दुगुचा का ।

गं दाजु - धाःथै ला ? मखु मखु दुगुचा ला ।

ब्राम्ह - छु च्वनेचा धयागु ला ?

गं दाजु - (लिवक वया वचथीक स्वया) बिचा का, बाज्या थव ।

ब्राम्ह नं तमं तमं का स्व बिचाला दुगुचा ला धकाः दुगुचा हाय्का
वयन) बिचा हाः गु मखु ला, बाज्या आम ? छिपः न्याक
साःगुलि कक्कु स्वचित्त, सः पिहां बः वलय् दुगुचा हाः थै च्वन का ।

ब्राम्ह - (तमं तमं) दुगुचित ला खिचा धाईम्ह का । (तमं लिफः हे मस्मो वना छवत ।)

ग बाजु - खिचा सां छु । दुगुचा सां छु । जितः कायूत धैगु मखुथे । खिचा यागु हे ला न तं क्यने माःगु छु दु ? (खने खाने मदयक पयतुना हालाः छवत ...) खिचा दान काःम्ह ब्राम्ह वल ... खिचा दान काःम्ह ब्राम्ह वल ..., आम हे लं वल ... आम हे ल वल ... खिचा दान काःम्ह ब्राम्ह वल ... खिचा दान काःम्ह ब्राम्ह वल आम हे लं वल ... आम हे लं वल (ब्राम्ह मताः पहःयाना वन । व व समां बाजु चवंचयय थ्यन)

समा बाजु - अहो, बाज्या नं थ्यन का, अनि याय ति ।

ब्राम्ह - कुसः ज्वीमा ।

समा बाजु - बाज्या ! प्वः ला तप्वः जू नि । छु थ्व ? (प्वः भीत लहाः छवत)

ब्राम्ह - छाप् थो त्यनागु ? बि, बि । कपिनिगु प्वः थो मते (लिलिच्यूम्ह ब्राम्ह दुगुचिगु खिपतय तसक्यनाः खतू वन)

समा बाजु - छु जुल बाज्या ? बना बिज्याकि । स्यात ला, बाज्या ? (ब्राम्हया म्हय उसि उसि यानाः थन । ब्राम्ह नं थ्व हे प्वलं का जित वः थःगु धा धां तमं प्वः वस्वोत ।)

आम प्वः भी मत्थःगु हेका, बाज्या । आवलि आम प्व थियां मि जुइ मखुत का । जि नं थो लाःगुसा .. जितः बंछु ज्वीगु जुइ ?

ककिगु प्वः थो हे मत्थःगु छति । सुयागु प्वः आम ? ..

ब्राम्ह - छु छाप् थ्व ... ?

समा बाजु - खिचा छाप् है बिज्याकागु ? दान बिजा हःम्ह ला कि ?

ब्राम्ह - बांलाक छकः नि स्व । अलय जक खे लहा ।

समा बाजु - बांलाक स्वयागु छः, बाज्या । खिचा बय्थे छःपोया ल्यूत्यू वैचवंगु

मखं ला ? खिचा मखु ला आमथे ल्यू ल्यू वैला ?

ब्राम्ह - (मनंमनं खे लहाइ) घाथे थ्व खिचा हे छःला ? गय् जूगु थ्व ? गहावः नाप लाःम्ह नं खिचाःधाल मखु, मखु थ्व खिचा छहे मखु । जि छु, दुगुचा खिचा धैपि स्यय हे मनंम्ह ला मखु । थ्व धाय्वं खिचा जुइ ला ? (समा बाजुयात न्यकल) हरे । छं स्वयबले जि छु खिचा दुगुचा धैपि स्यय हे मनंम्ह तुंम्हां ला ? थ्व छन्ते खिचा हे ज्वी मा, जितः ला दुगुचा हे का । (प्वः पाछायाः ब्राम्ह दुगुचा ग्यायकाः वन ।)

समा बाजु - प्वः बिजा ला, बाज्या ? हानं वःवई स्वया बिज्याकि । जिला छःपोयात थः हे भा पाः घयागु छः । देशयला आम खिचा ज्वनां वने जो मखु । स्वाकं वयाः आःगथे याय् धाय् माली । देशय् स्वपिसं खिचा दान काःम्ह ब्राम्ह वल धकाः लाय लाय् बुबुं छःपोयागु ईज्जत मकाःसे लवःती मखु ।

(ब्राम्ह तापाक थ्यनेधुकाः समा बाजु न ततःसकं हाला छवत)

खिचा दान काःम्ह ब्राम्ह वल ... खिचा दान काःम्ह ब्राम्ह वल आमकनं हे वल ... आमकनं हे वल ...

(ब्राम्ह नं वव भूत नाप लाय् थें बाःथः किजा नापलात । बाःथः किजा स्वाय् प्युप्यु अनियाय् ति धकाः ब्राम्हया तुति ज्वं वन ।)

ब्राम्ह - (ग्यायं लिलिचिलाः) स्वाःल स्वाःल । स्वस्ति, स्वस्ति ।

बाःथः किजा- श्री निम्हय् ववस्ति । बाज्याया म्हुतुइ ... कस्ति ।

ब्राम्ह - इलं मबिल, जि वने । (वना छवत)

बाःथः किजा- छाप्, बाज्याया नं लही धकाः खिचा हयाला ? ब्राम्हसे ला धकाः लही माः ।

ब्राम्ह - खिचा नं दान याइ ला ? दुगुचा थ्व । बांमलाःम्ह जुयाः खिचा थें ज्वन ज्वी का थ्व ।

बा:थ किजा-ये...दान वःम्ह का मखुला, बाज्या ? (मिहला: ब्राम्ह वनेत स्वत)

ब्राम्हूत छु लयता: चय: ला छ:नि, छुं भचा माने पातज्वी साहुया
मय:म्ह स्वयं नं घच्यापुम्ह खिचा दुगुचा धका: दान व्युसां मय:
धाय् मखाल । खिचा नं दुगुचा धका:चय: याना हल का धक्कार
का ब्राम्हूतयु चय: बुद्धियात । कर्पित खिचा लही मय: धाईपि
ब्राम्हूतसे आ: खिचा लही त्यंगु ज्वी का । कि छेंयका: दुगुचा हे
ख: धका: स्याना नइगु ज्वी का मखु ला ?

(ब्राम्हूया स्वा: ह्याउँया बल । थव दुगुचा हे छ: । बालाक स्व
धका: दुगुचित आ मुनि मुनि आ, धया स:ता: य: ल्यू ल्यू वय्का
वयन । हानं हा: धका हाय्का नं वयन । ख ला खिचा नं थय् हाली

ला ? जि जक छुं मय्युम्ह ला ? धाधां दुगुचा सासां तमं वन बा:थ:
किजा ल्यू ल्यू वना दुगुचित आ, कुल कुल आ, आ धका: सत:
लि खिचा हा:थें न्यक थ:हे" ह्वाउ ह्वाउ "हाला लि...)

का, बाज्या, गय् व्व ले ? खिचा मखु सा छु ले थव ? स्वे बिज्याक
थुजोपि खिचात साहुतयथाय जक दं का । छाया:सा इमि
कीला याय्त् थवयागु हे ला मा: । थ्वेत वौला खिचा धाइ ।
इमिसं थव नं दुगुचा नं छयाय्त् तंतेगुलि थिपि दुगुचा थें हाले न
स: । उकें थव दुगुचा थें हा:सां थ्वेत सुनानं दुगुचा धाइमखु कीला
खिचा हे धाइ । आरा: ह् बाज्य:म्हसित कपिस चय: याइ । छ:पि
मं ह् बाज्य: जूगुलि चय: याना ह:गु का थव । मेगु छुं नं मखु ।
जिगु छें नयना बिज्याय्गु ख:सा, वेक्षाय्ला थव खिचा थकें मज्यु ।
छु धाइ कपिस ?

ब्राम्हू - (दुगुचा स्वस्वं मन मनं खें लहाका:) छु जूगु थव ? स्वयं बल्य
दुगुचा ख: थव । अयसां खिचा थें हाले नं स: थव ।

मखु, निम्हस्यां मखु स्वम्ह स्वम्हस्यां नं खिचा धका: धाल । थव
धा:थें थव ज्वना: देशय् वने मालकि जिगु इज्जत ववनी मखु । आ:
तल्य सुनानं मय्युनि । सकसिनं सिलकि बांलाइ मखु । मय्ल थ्वेत
यकें हे मखु । थन हे त्व:ता थके । (दुगुचा त्व:ता: ब्राम्हू माता-
माता व्वात । 'खिचा दान का'म्ह ब्राम्हू बल... धका: हाहां
बा:थ:त नं बा:थ: किजायाथाय् बल । आ: तिनि झीसं भिद्यो पूजा
थ्याय्कल का धता: स्वम्हं बा:थ:त लयताल । दुगुचा ज्वना: इपि
भिद्यो पूजा वने धका: वन ।)

बा:थ: किजा- अय् दाजुपि, बाजं मदय्क पूजा वना: भिद्यो: लयताइ मखु । जि
कहा पुइ । छिमिसं नाय्खिचा व भस्या:चा था है ।

वाइं वाइं धवां - ब्राम्हू धवां

(नाय्खि थाय् भाय् यायां) दुगुचा खिचा याय् हे धुन ब्राम्हू
बाज्या लाय् हे धुन...

समां दाजु - (भस्या: थाय् भाय् याना:)

छाय् ग्याय्गु... छाय् ग्याय्गु... ?

बा:थ: किजा - बाहां बिस्सुं वनी दाजुपि, पूजा ज्वलं वाइ... थव, बाजुपि भिद्यो:
मथ्यनि ला ? उहू... स्वा: हील ।

समां दाजु - सुं मदु थाय् नि थ्यकि रे । अन तिनि भिद्यो: वइ का ।

बा:थ: किजा- गथे याय् दाजुपि हील धया स्वा: ।

गं बाजु - का, पिराहा हाले मते थ्यन ।

(गं बाजु व समां दाजु निम्हं कयतुइ । बा:थ: किजां इमिसं हे पुज्याइ
बाहां मू हाय्की 'धय् धय् गुलि याकनं मू हा:गु ?' बाहां स्याय्त्
जामा घय्पुई, स्वचाकी चुपि साग्याइ । का दाजुपि स्वाय् न्है
दाजुपि धका: हानं हानं वं नयना चवनी । का सा का मिखा तिस्यु

हि म्हुइन । का, परमेस्वर धयाः दुगुच्चिया गःपतम् चर्पि की । हि
म्हुना वइ । व हि थःम्हं तु त्वमी)

समां दाजु - } अय् किजा, व हि मवः ला ?
गं दाजु - }

बाःथः किजा- वः धया / छिमि म्हुतु लाता जुयाः हि वलं नं मचाःगु का । (मचा-
मचा हि इमि म्हुतुइ छ् वइ, दुगु छ्यं वयं तथाः उकी मत बी ।)
का दाजुपि मिच्चा के । तसकं हे थाकु खनि ।

समां दाजु- } म्ये स्याय् माःसा छु जक याइम्ह छ ।
गं दाजु - }

बाःथः किजा- जि म्येस्याः सा हि प्वाथय् म्हा के नं फे मखु । थव ला दुगुचा जुयाः
धकाः वयं मलाक्क म्हुतुइ लाके फत ।

(दाजुपिसं चण्डाल धाधां बेंत स्वयाः छ्यं ल्हुकुल्हुकु संकल ।)

का, दाजुपि सी काय् मानिगु खं ला । इवः छ् वइ वा । व घासा
ज्वलं नं फुकक तय् धुन । (दाजुपित इवलय् पयतुकाः थः न इवलय्
चवनां नलः । सी काय् तयसेसि गवाजुं सोथित हि गन तथा ?
धकाः न्यन ।) छाय् दाजुपि सी जिथःय् दु ।

समां दाजु - छाय् छाय् तंतयागु ? थकालिम्हलिथाय् तय् हि रे !

गं दाजु - जि नं ब हे ला धंगु । हि थन (सी काय् त सन)

बाःथः किजा- थनला सौ वय् याखनि । (व्वायं वनाः दुगु छ्यं कया थगु छःगु
ल्हातिइ तयाः थगु थासय् तुं पयतुनालि...)

गय् खं ल्हानागु ? गुम्हसि नं सी काइगु ? वंथाय् हे तय्गु का थव
सी । छिमिथाय् छु धकाः तय्गु ? सीकाय् मिह ? (देवा ल्हाःतिइ
चवंगु सी जःगु ल्हातिइ तय् त स्वल) दाजुपि निम्ह दना वनाः
बाःथः किजाया ल्हाः उबल । "छं छु धकाः सी काय् त्वनागु ?
जिपि थकालिपि वय्क दय्क" इमिसं बाःथः किजायात सी काय्के

मविउ ।) छिपि लोभित का । कपिनिगु भाग नय् त स्वैपि । का
स्व सी स्वम्हय् जबय् सु लात व थकालि ज्वीका ।

समां दाजु - दश्चो लाःम्ह थकालि ज्वी । गनया खं आम ?

बाःथः किजा-छु धकाः हाः वयागु छ ? न वय् लाः न चव्य लाः छ । लैमोया
थकालि का छ ।

गं दाजु - (ल्हाःतं थःगुलिइ भाय् बाना वयमाः) अय् स्व थननिसें ल्याः ल्या
रे । जि मखु ला चव्य ? अले जितः गय् थकालि मखु धंगु ?

बाःथः किजा- (निपा ल्हाःतं नं थःगु छ्यं तय् तय्) हरे ! छिपि छम्ह जक
थकालि धकाः हाःलाः चवंगु जूसा जि बेंत हे थकालि धकाः
थव ल्हापु तंका बीगु छः । निम्ह जिहे थकालि धकाः म्हु म्हुं
थकालि ज्वीत स्वसेलि जि सी त्व तूसां छिपि ला ल्हाइतिनिपि
हे जुल । धा.सा थव ल्हापु छु जितकां त के फे ला ?] फराद
हे वनेगु का नु कृष्ण द्वारय् ।

(स्वम्ह दनाः कृष्ण द्वारय् वन । द्वारिकानाथया द्वारय् सु दु ?

धकाः बा थ.त पनें हाःला छ् वत । "सु हाँ, सु हाँ" धकाः
कोतवाला बिहां वल" जिपि का कोतवाल भाजु 'जरःधकाः
मानय् याना बाःथः त सुम्क चवन ।)

(सी वयेंवयं) थव हे सीयागु ल्हापुइ का, भाजु ।

कोतवाल - (गं दाजुयात) गय् जूगु ? खं फुकक क ।

गं दाजु - कोतवाला भाजु । जिमि मिचो पुजा यानाः भव्य नया । अलय् सी
काय् तयः बलय् व नं जि थकालि व नं जि थकालि धकाः थिमिस
जितःला लैमोया थकालि याय् तयन । उके फराद वय् माल । ल्हापु
थव हे का ।

कोतवाल - (गं दाजुयात) छ गय् थकालि धयागु ?

गंदाजु - थौं तक थिमिसं गंदाजु धकाः न्ह्यागु ज्या खँ नं जितः मानय्
पाना हे च्वनि । घासैलि सी न ला गंदाजु धकाः मान तथाः जितः
हे बी माःगु खःनि !

कोतवाल - (बाःथः किजायात) का, छं नं धा !

बाःथः किजा- स्वाःपालं नं सी दय्माःगु खःनि कोतवाल भाजु । जिपि स्वस्वहप सु
बुहा थें च्वं ? हानं मेगु खँ छु धाःसा भवय् नयाबलय् भाः थें
तु जवय् च्वय् लाक्क जि हे च्वनागु खः । सी नं जिके हे खः ।
इपिथेकालि खःसा थ्व सी इमिसं छाय् लकाः काय् मफुत ?
जिगु खँ थलि हे खः ।

कोतवाल - (समांदाजुयात) का, छं छु धाय्गु दु ?

समांदाजु - जि ला थापाः खँ मडु । तःम्ह मांछ देबलय् जक च्वय् च्वम्ह थकालि
जुइगु खः । स्वम्ह जक ज्बोबलय् ला दथुयाम्ह हे थकालि जुइगु ।
भाः थें तुं न्ह्याचः भवय् नया बलय् नं जितः हे दथुइ तथाः भवय्
नयाः ला लिपा सी काय् त्यःबलय् जि थकालि भइ ह । थःथः
स्याःगु खँ ल्हाइपि थिपि कोतवाल भाजु ।

कोतवाल - (बिचाःपानाः) थ्व खं जक छिमिगु त्वापु छिने थाकुल । उकें,
छिमिगु जातः स्वय् हिं ।

बाःथःत - जिपि चाःहू वयापि, जिमिगु छें तांपाः, गय् याय् कोतवाल भाजु ?

कोतवाल - अथे जूसा छिपि स्वम्ह मध्यय् न्ह्यापालाक्क बूम्ह यु ? धा सा ।

समांदाजु - सुद्यो नं लुक्क बुल, जि नं मांया प्वाथ् छ्बाराक्क पिहां वयागु
का, कोतवाल भाजु ।

कोतवाल - (गं दाजुयाके) छ गुबले बूगु ? का धा ।

गं दाजु - कोतवाल भाजु, सुद्यो बूबले जि घंगला न्ह्यानाः पलाः छी धन
का । (थ्व खँ कने सिमधवं बाःथः किजा हिकुहिकु मिकाः ततःसकं
खया हल । इपि सकलें बाताहां च्वनाः स्वेच्वन । इमि छु धाय्
छु याय् जुल ।

गंदाजु - सी नय् मखन धकाः स्वःम्ह का व । कतिलाःपाकः का छ ।

(ताउतक हे स्वसैलि इमिसं बाःथः किजायाके छाय् खया धकाः
थ्यलिसे बाःथः किजा झन झन हिकु हिकु लमाः ततः सकं खया
हय् । न्वं मवाः । इमिसं तःकःमछि हे न्यसैलि बाःथः किजां धाय्
हे माल ला ? धकाः न्वंवाना हल । हानं ततः सकं हिकु हिकु
लमाःखया तुं च्वन । मेपिनि नापं खय् माःथें जुल । अले इमिसं
हानं न्यसैलि "ज्यू सा न्यने मते... छिमिसं हे सी का मयल.."
धकाः हानं खया तुं च्वन ।)

कोतवाल - आम थें खयां छु याय्गु ? छंगु खँ मय्सं छिमिगु त्वापु तंके फें
मखु । का धा । (तमं वयन)

बाःथः किजा- सुद्यो बूबले घंगला न्ह्यानाः स्मितकः जुइ धुं कुम्ह छय् सांगु लुमनाः
खय् मासे बल (हानं खल ।)

कोतवाल - का, छिमिसं न्यं हे न्यन । (समां दाजुयात) छ सुद्यो बूबले बूम्ह
जक । थुम्ह (गंदाजुयात) सुद्यो बूबले घंगला न्ह्यानाः स्मितः जुइ
सय् धुं कुम्ह । थ्व (बाःथः किजा) खबिलु सुद्यो बूबले घंगला
न्ह्यानाः तुकु तुकु तापति जुइ फय्धुं कुम्ह छय् सीगु धाःम्ह ।
उकें छिपि स्वम्हय् थ्व खबिलु हे थकालि खः । त्वाय् स्वाःल हुं
(कोतवाल दनाः दुहां वन । भलय् बा थः किजां "का दाजुपि आः
जि सी काय् जिल खःला ?" धांघां सी काल ? दाजुपि त्वक्कन ।)

(करुणाकर वेंच पुलांगु बाखं मानेगु सिलसिलाय् यलया प्रख्यात कोती
प्याखंया बाःथः प्याखंयात नं पुलांगु बाखं कपय् सकलन याय्गु तातुसं बाःथः प्याखं
सिउम्ह मालाः दिल । छन्हू यल वय्गु साझा बसय् अगःचा मालां द्योगःलू थें
बाःथः प्याखंया हे गुरु जुया विज्याःम्ह यलं ब्रम्हैपुरीया पण्डित चक्रधर शर्मा हे नाप
लाना दीगु जुयाच्वन । वेंच जुया अनुरोध इनाप कथं चक्रधर बाज्या स्वम्हया स्वरुप

प्याखं इवः लाक यः म्हं लुमंथें चवया बिज्याः गु जुया चवन । अब स्वपुगु प्याखं खः ।
बाज्यां बाखं पहः वय्क चवया बिज्याः गु खने दुसां थन थुकियात प्याखं रुप्य हे
बाज्यां गथे चवया बिज्याः गु खः अथे हे न्ह्यवयागु जुल । अबमिपिसं थुकियात
यय्कल धाःसा न्ह्यम्ह यंकया न्ह्यपु प्याखं पूर्वक तयाः बाज्याया मननुना कथं सफु
रूप्य पिकाय्गु खेळुइताः पिकाक गुथिग तातुना दु । हनेवहम्ह चक्रधर बाज्यां
पूमवंनिगु सेमेगु नं चवयाः लः ल्हाना बिज्याइ तिति । फत्तिफत्तले बाःथः प्याखंया
मूल गुरु पाण्डुलिपि हे ल्हयाः बिया बिज्याःसा थुकिया यक्वं ऐतिहासिक महत्त्व
बइ ताया । नेपाल भाषा हे चवया तःगु आःतकया दकले मौलिकगु गुलांगु नाटक
थव हे जुइ । चक्रधर बाज्यायात व कलजाकर वंछयात यक्व साधुवाद दु ।)



ने० सं० ११०५ न्हं देया लसताय् भितुना
बी थी देया बांलाःगु स्थलाःगु व त्ववनापुगु वसत माःसा
लुमंका दिसं !

मञ्जुश्री कन्सन

विशालबजार, यँ ।

ने. सं. ११०५ न्हं देया लसताय्

ववाक्क ग्राहकवर्ग व हितैरी इष्टमित्रपिनि सुख, समृद्धिया लागि

भितुना

फेपर डील

विशालबजार, यँ ।

फोन ५, २२०९९

चिनाखें

म्वाय् मानिम्ह जि

—राजेश्वर वैद्य

अय् का ! का !! का !!! मख्थें जुल,

अय् का ! का !! का !!! मख्थें जुल ।

जिगु पलाः अन्धकारया मुकुङ्ग दुने न्ह्यांन्ह्यां वनाचवन,

जिगु पलाः थःगुहे सुरथ् ब वेगय् न्ह्यां न्ह्यां वनाचवन, ।

तर,

जि थःगु है नुगः दुने तनाचवना,

जि थःगु हे छपलाः छपलाःय् तनाचवना,

जिगु छपलाः छपलाःया अस्तित्व तनी थें चवन,

जि धाथें धाथें अन्धकारया अनन्त मुकुङ्ग दुने तनी थें चवन ।

अन,

जि छुं बःमालाःचवनां छुं छुं हे बः मखना,

जि छुं छुं हे मिखां मखना, सुं सुं हे मखना,

जि न्यायागु म्हय् पलाः तय्बले थें चुलुया चवन,

जि बः कयागु दक्क दक्क हे चुलुया चवन ।

अलय्

जिगु इच्छा, जिगु भावना, जिगु आकांक्षा तनावन,

जिगु धार्ये धार्येया अस्तित्व अन लाः यन लाः मदय्क तनावन

उकि

जि हानं बः काय्त,

जि सुइगुं बोहलय् त्याप्प ज्वंवना,

तर अपशोच,

जि वःकयाम्ह सिइ धुं कूम्ह मनू जुयाच्चन ।

अन गन ?

जि गन ?

नेपा दे गन ?

जि थः धाईपि गन ?

जि सिइके मफुत, जि न्यने मफुत, जि खंके मफुत,

जि बिचाःयाना, थं चाय् ला मसान छनि,

जि उकि हे प्यखे अन्धकार जक खगु ।

छन्ह,

जि थं अन्धकारयात बुद्धि न शक्ति

अयारर शिरीरी खुनाः जः लुइके मानि,

जि थं घरती सर्गं थें चक्कंके मानि ।

अनय्

जिगु अनलाःअनलाः मदय्क तनावंगु,

जिगु भावना, जिगु इच्छा, जिगु आकांक्षा छगू छगू याना माले,

जि माला अबश्य लुइका काय् मानि । अनय् तिति,

जि सर्गःथें चक्कंगु स्वतन्त्रता जुयाः दक्कसिगु नुगः दुने म्वाय्,

जि स्वच्छन्दता जुया दक्कसिगु आत्मा दुने म्वाय्,

जि दक्कसिगु निर्मल मित्राय् जः जुथाः क्याय्,

जि दक्कसिगु हृदय् दुने म्वाय्, जि म्वाय्, जि म्वाय्, । । ।

△

□ खेलेइताः १ □

(४६)

राजवंशी भिसात

—स्वयम्भू लाल श्रेष्ठ

श्रीगु दे नेपाःया पूर्वपाछेया सीमाना तराई पाखे चवंगु आपा जिल्ला व
वया पश्चिम पाखे चवंगु मोरङ, सुनसरी जिल्लाया राजवंशीत आपालं दु ।

राजवंशीत अपो थें याना बुज्या याईपि दु । गुलिसियां थःपिनिगु हे युं
दु, गुतिं म्हय् जुया कर्किगु बुज्याना नया चवन । भूमिसुधार योजना ग्वसाः
ग्वो न्ह्यो जमिन्दारी प्रथा दुगु खः । उकि राजवंशीत दुने नं ततः धंपि जमिन्दार
गुगु जुन । चौधरी, कानुन गोई आदि पदवी कया च्वंपि देवनियातू नं दुगु खः ।
तर थौंरुहे 'चौधरी' धयागु वंश परम्परां निसें छुपला वया च्वंगु टाईटल वा
थर थें जक प्रयोग याना वया च्वंगु दु । जमिन्दारी प्रथा ला मदये धुंकल, अय्सां
पुलांग चलन कथं जमिन्दार साहेब धकाः धाय्गु याःनि । अ बरू, बुं आपाः
दुपि, धनदुपि तःमिपिन्त देवनिया ६१या चलन साप हे आणाः छने दु ।

राजवंशी जाती भिसातय्गु स्थात तसकं च्वय् लाः । उकि म्हाय्मचा
बुल धायेगु, राजवंशीत साप लय्ताः । राजवंशीत न्हापा मातृसत्ताक जाति
जुगुलि, लिपा मां जुईपि म्हाय्मचा बुलकि थुपि लय्ताइगु खः ।

थौंरुहे मेमेगु जातिया भिसातसैं समान अधिकार माः धकाः आन्दोलन

□ खेलेइताः १ □

(४७)

याना चवन । तर राजवंशीनीतसें समान जक मखु, मिजंतसिबे अपो अधिकार सलंसःदं न्ह्यो नित्से कया थोंतकनं ब्यवहारे छ्यला चवंगु दु ।

धार्थे धाये धाःसा हिन्दू धर्मया पुलां पुलांगु शास्त्र पुराण व इतिहासे, मिसातसें मिजंययगु नेतृत्व याना, मिजंतयसिबे अपो अधिकार प्रयोग याना वःगु आपालं दसु झीसं खनाचवना तर लिपा झी ध्वगिगक हे स्थन । शिक्षाया प्रचार म्ह जुजुं वन । झीसं थःत थःम्हं म्हमसिल । मेपिनिगु नक्कल यायेगुली हे झीसं थःगु बहादुरी धवाः थुका । अले झी इनइन वर रुना वन । झीसं झी मिसात यत पर्दाया दुने तयेगु याना । इमित भुतूया ज्याय जक सीमित याना तयगु जुल ।

राजवंशी मिसातय् आपाःसियाथे पेटानी नांया न्याकु हाकःगु निकुत्या ब्यागु कापू हिनी । पेटानी गनं सुइम्बाः । न्हापा न्हापा ला थव कापः छ्ये हे थाइगु, तर थोंकन्हे कारखानाय् थाःगु हे छ्यला चवन । थव कापः छाती च्यय् लाक्क चिइ, क्वय् पुलिइ तक वइ । झी नेवाः मिसातय् मोल्हुइबले ध्याक्सां हिनीथे । थोंकन्हेया न्हूगु सभ्यता धकाः राजवंशी समाज सुधारकत, तःमिपि मन्त व ल्याय्म्हतसें, थः मिसातय्, मेमेगु जातिया मिसातसें सिनीथे, सारी चिकेगु चलन याना हया चवंगु दु । पेटानी गुकीयात फोटा नं धाः, हिनेगु हे असभ्यताया वि भाःपिया चवन ।

तर, बांलाक दुवाला स्वा धाःसा, थव पेटानी धयागु कापः अर्थत वतः बुज्या याइपि राजवंशी मिसातय् जक मखु, आपा मोरड थें ज्याःगु तांन्वःगु जिल्लाय् चवनाः बुज्या याइपि सकल जातिया मिसातय् नं सिनेज्यगु सापहे अःपुगु याउँगु व म्हचाःगु वतः खः । थोंकन्हेया सारि तिवेगु ला, ज्या मयाइपि छायेपा जक चवनीपि मिसातय् जक लोगु वसःखः । समानताया हक माजीपि तर जितले जितले ज्यायाये स्वाःसा ज्यू धकाः याइपि मेमेगु जातिया मिसातय् जक सारी ज्याखेल दु । सुथं नित्से बहनी तक मिजंत नाप नाप, उलि हे

मेहनतसाथ ज्या याइपि राजवंशी मिसातय्गु निति ला पेटानी हे ची माः, पेटानी हे लो धयागु जिगु विचार दु ।

खजा थोंकन्हे गुलिगुलि राजवंशीनीतसें लं (बलाउज), पेटाकोट ब्यवहार याना ह्ये धुकल । अय् नं म्ह हे तिनि । लाका नं उस्त मन्हाः ।

थुमि पर्श प्रथा मडु । पर्दा मडुगुलि यानाः थुमिसं न्ह्यागु ज्या नं स्वच्छ-न्दपूर्वक व स्वतंत्रतापूर्वक याइ । स्वास्थ्य नं बांलाः जू । न्ह्याथाय् नं स्वतंत्रता-पूर्वक चाःहिली । छपने गाभलं तोपुइ स्वाः ।

राजवंशी मिसातसें छं दुनेया ज्या व पिनेया ज्या नं फुक्कं याः । छं जा थुइगु, बें थिलेगु, बें पुइगु, पुजा यायेगु, चिपगु थलबल सिलेगु, कुति वायेगु, बजि ल्हुइगु, वसः हीगु, सि फायेगु, सौ रुनेगु, सप्पा दथेकेगु, संटी रुनेगु आदि ज्या याः । अथे हे पिने बुई वा पीगु, पुसा ह्वेलेगु, घाय् लयेगु आदि ज्या नं सफलतापूर्वक याः । हाट बजारे वनाः थःथाय् तयार दुगु चीजबीज मीगु व थःपित माःगु चि, चिकं आदि न्याना नं हः । उकि राजवंशी समाजे मिसातय्गु स्थान सापहे चव्यलाः । छेया मिजंतसें मिसा-तसें ब्यूगु आज्ञा पालन यानाः ज्या याइ ।

राजवंशीतय् तःगूकथं इहिपा याये चवन दु । चुम्ना काये बी यायेगु चलन नं दु । चुम्ना धयागु मिसामचायात मिजंमचापाखें बीगु छछा खः । थव खँ, राजवंशी समाज सुधारकतसें मेमेगु जातिया नायःतय्गु खें न्यनाः चुम्ना प्रथाया बिरोध यान । जुल । मिसामचा न्यायेगु व मीगु तःधंगु पाप खः धका ततहाकःगु भब्रू विद्या जुल । शास्त्र पुराणया दसु कनां जुल ।

थ्व ब्याक्क ज्या थःगु संस्कृति व सभ्यतायात मथुयाः याःगु खः । जि चव्य हे चव्ये धुन राजवंशी मातृसत्तात्मक जाति खः । उकिं थ्व जातिइ मातृ जातिया तःधंगु मान दु । तःधंगु स्थान दु । चुम्ना बीगु धयागु उम्ह माता यात दक्षिणा छायेगु खः । छछा छछायगु खः गुम्हसित वया मां ब्वां थपाय्धी जुतले बाँबांलागु भिभिगु नसा नकाः, त्वँसा त्वंकाः, पुँसा पुंकाः तःधी यात । थज्यागु प्रथा आपाः धयाथें मातृसत्तात्मक, जातिया दुने खने दु । चुम्ना धाथें धाय् धाःसा बाँमलाःगु प्रथा मखु, समाजं थ्वयात मभि यात । चुम्नाया मूल अर्थ मथुयाः लिपा लिपा थ्वया दुरुपयोग जुल । कन्यामचा न्यायेगु मीगु धयागु जुल ।

मेमेगु जातिइ मुलुकी ऐन आदि दयेका बाल विवाह, दहु विवाह अनमेल विवाह पारपाचुके आदि बारे नकतिनि नकतिनि ऐन कानून दयेका च्वन । तर, राजवंशी जातिइ न्हर्पांनिसें हे, थ्व ब्याक्क विषये छगू निश्चित नीति निर्धारण जुयाः आः तरुन छयला वया च्वंगु दु ।

इहिपा यायगु ई मिसामचा १४ दँ निसें १६ दँ दइबले खः । विधवा विवाहयात समाजं मान्यता बिधातःगु दु । विधवा मिसां भाःत हयेगु चलन दु । थुकथं हःम्ह भाःतयात डंगुवा धायेगु चलन दु । थज्याःपि डंगुवातय्त मिसाया मयलकि पितना छ्वये जू । पारपाचुके बिधा च्वने म्वाः ।

बिधवा मिसां पुनर्विवाह मयावं हे छुं जुयाः प्वाथय्वत धाःसा समाजं प्वाथय् दय्कूम्ह मिजं मालाः उम्ह बिधवा लिसे ब्याहा याना बी । थज्याःगु इहिपायात गाओगछ विवाह धाइ । छुं कारणवश मिजं लुइके मफत धाःसा थ्वबा बिधाः मेम्ह हे सुं छम्ह मिजं थनी, अये वयात हे नाला कायेकी । दाजुया बिधवा कलाःयात तयेगु चलन उस्त खने मडु । कन्या पात्र तयगु चलन दु । थ्व

चलन कथं थःकाय्मचाया निनिं पिनें कन्यामचा हयाः लहिना तइ । लिप, इहिपा याना बी । घर जुवाई तयेगु चलन नं दु । चुम्ना बी मफत धाःसा ससल्य यया यानाः पुला बी, अले इहिपा जुइ । छम्ह लिसे ब्याहा जुइ धुं कूम्ह मिसामचायात म्हापायाम्ह भाःत दयेक दय्कं मेम्ह मिजंनाप ब्याहा याना बीगु चलन नं दु । थज्याःगु ब्याहायात छत्रदानी विवाह धाइ ।

इहिपा धयागु भाःत कलाः जुयाः नापं च्वनेत सरसल्लाह कथं याइगु छगू समझौता जक खः धयागु थुमि विश्वास । मन मिले मजलकि ब्यागलं च्वन । गुम्ह लिसे सल्लाह मिले जुल उम्हलिसे स्वापू तल । उकिं राजवंशी जातिइ पारपाचुके याये अःपु । बं पुलेम्बाः । खर्च पुलाः च्वने म्बाः । तर पारपाचुके यायेमाःगु कारण क्यने माः । भाःत कलाः मिले जुयाः शान्ति नक्सां जीवन हने मफत धासा भाःत अथवा कलातं मेम्ह मिसा अथवा मिजं तल धाःसा, मवा बुइके भाःत वा कलाः अयोग्य जुल धाःसा, मिसा मचायात निदंतक भाःतया छेय् छ्वया महल धाःसा, मिसा मचाया पुनर्विवाह जुल धाःसा घर जुवाई नं थः ससः मां ससः अबुया कठोर व्यवहार सह याये मफत धाःसा पारपाचुके याये ज्यू ।

राजवंशी मिसातय् तिसां ती माः । आपाः सिया बहयागु तिसां ती । मोनं निसें चो तक अर्थात् छयलं निसें तुति तक तीगु तिसा दु थुमि । गुम्हसिया गुलि फत उलि रूपो तिसां ती । छयले-तिधापति, सेदवन; न्हासे नथ, बाली, फूल, फुरफुरी; न्हायपने-ओन्ति, साछिधापात, माकरी, गुजि, सोना; गःपते-सूर्यहार, चन्द्रहार, टाकाहार, हासुली; नाडी-गोटाखारू, मोटाखारू; लप्पाय तारबाजु; तुतिइ पाइजो, आँटि आदि । तिसायात मिसातसैं बँकथें भाःपी । भच्चा ध्यवा मुंके फत कि तिसा दयेका तइ ।

राजवंशी मिसातय् इहिपा जुइ धुं कूसां सिचाय् सिन्हः छायेगु चलन उस्त

मडु । मेमेगु जातिगु मिसातय्गु अनुकरण यानाः थौकन्हें गुलिसिनं सिचाय्
सिन्हः छायेगु याना हल । थुमिगु परम्परा कथं ला खवगु ल्हातिइ शंखखारु
न्हायानातः म्ह मिसा जुल कि इहिपि जुइ धुकूम्ह धकाः सीकेगु खः । शंखखारु
शंखया चुरी खः । थौकन्हें धाःसा खाःचुरी न्हायेगु चलनं यानाः शंख चुरी
न्हाय्गु चलन न्हायाना चवन ।

राजवंशीनीतय् ग्वाःग्वय् सापहे नयेमाः । गुलि गुलिसिनं बज्जा बिडि
चुरोस नं त्वं ।

राजवंशीनीत मिजंतसिबे छुं खँयनं म्ह मज्जुगुलि यानाः व मेहनती जूगु
इमिगु आर्थिक स्थिति बल्लाः । इपि ध्यबा कमेधाये फुपि जूगुलि आर्थिक दृष्टि-
कोणं नं स्वतंत्र जू ।

२०१७ साल लिपा गाँगामय् गां पंचायत थापना जुसेलि राजवंशी मिसात
सेनं आपालं गां सभाय् ब्वति कायेगु याना हल । ल्यज्याय् मत बीगु व मत
कायेगु याना हल । गनं गनं गां पंचायतया सदस्यानं जुल । स्कूल कलेजय्
ब्वनेगु, थःगु मां भासं बाखं चवयेगु चिनाखें चवयेगु नं याना हया चवन ।

उकि झीसं धायेफु-राजवंशी मिसात बांलाक निर्देशन व शिक्षा दीक्षा दत
धाःसा, मेमेगु सुं गं गुं जातिगु मिसातय् सिबे म्ह जुइमखु । देश विकासया
ज्याय् नं मिजंतय् नाप नाप न्हाय्जा वनी । संसारय् शान्ति स्थापना यायेगु ज्याय्
मिसातसे पालन यायेमाःगु भूमिका नं इमान्दारीपूर्वक व दिलोज्यान बियाःवाइ ।

ने.सं ११०५ न्हू दया लसताय् सकसितं

भितुना

न्हू न्हूगु डाँचाकथं छिकपिनि मनं तुना दीये चवं बांलाक, बल्लाक
सुट, पाइन्ट, सर्ट व सफारी सुया दी माःसा जिमिथाय् झासं ।

टिमा टेलर्स

पाको, न्हूसतक, ये ।

चवसापासाया ग्वसालय् जुइगु नेपाल भाषाया व्याकरण गोष्ठीया निति

नेपाल भाषाय 'य्' (हलन्त) व 'ये'कारान्त छ्यला

-जनकलाल बैद्य

१. खँ न्हायना

नेपाल अधिराज्यया नागरिकतय हिंहीस्या ज्याय खँय माध्यमकथं
छ्यला वया चवंगु भाषा मध्ये नेपाल भाषा नं छगू भाषा खः । नेपाल अधिराज्य
हुनै व पिने थासंवासय चवंचवपि नेबाःतसे नेपाल भाषायात मां भाय नाला
थवं थवय खँ ल्हाइबले, चवइबले व चवनीबले थ थःगु पहल शुकियात माध्यम
याना चवंगु दनि । थौं कन्हय नेपालभाषा साहित्य माध्यमिक विद्यालयया ८-
१० गूगु तगि तक, त्रिभुवन विश्व विद्यालयया मानविक व सामाजिक शास्त्र अध्ययन
संस्थान अन्तर्गतया क्याम्पसय प्रवीणता निसं स्नातकोत्तर तगि तक चवयेब्वने ज्या
जू । विद्यावारिधि स्तरय अनुसन्धान विषय नं जुया चवंगु दु । विश्व भाषा
क्याम्पसय नं थव भाषा वक्कीगु प्रबन्ध दु । चवसापासा, नेपालभाषा परिषद, श्रेष्ठ
प्रकाशन, साहित्यया मूलज्ञा, पासासुता, सकले द प्रकाशन, खलुइताः पिकाक

गुथि इत्यादि सस्था पाखे व वदार् चित्त भाषाप्रेमोपनि पाखे थी थी विषयया
सफू व पत्र पत्रिका पिहां वयाचवंगु दु । थुजाःगु रचनात्मक व सिर्जनात्मक ज्या
तःजिक न्ह्यव्वयेया निरति नेपाल भाषाया सरल स्पष्ट व्यावहारिक व स्तरीय
नियमावली दुथ्याः गु व्याकरण माला चवन धयागु महसूस यक्व दै न्ह्यो निसै
याना वया चवंगु छः ।

२. नेपाल भाषा चवयेगुली छगू रूप लुइकेगु कुन

ऐतिहासिक महत्त्व दुगु अभिलेख तथा सफू पत्रपत्रिकाय पिहां वःगु काव्य
विद्या व चवखें थःथःगु पहलं भाष छयला चवयातःगु खने दु । ल्हायेगु भाषायात
छगू हे व्याकरण नियमावली चौगु व्यावहारिक दृष्टिं सम्भव मजुइकु । वने ज्वलं
चवयेगुली माध्यम जुइगु भाषाय छगू रूपगु स्तरीय भाषा व्याकरण नियमावली मा
नं माः, सकसियां विचार सहलह जुइवं दयेके नं सम्भव जू । सखे थुजागु हे
आवश्यकतां व्वाका स्व. धर्मादित्य धर्माचार्य वद्ध धर्म व नेपाल भाषा पत्रिकाय
(ने. सं. १०४६ कार्तिक मार्ग शिर्ष ह्याः या पी ५७) स्वदं दुम्ह मचायात निसै
बो ए. तर्कयात जिउगु संक्षिप्त आदि नेपाल भाषा व्याकरण थःम्हं चवयेत्यनागु
खें प्रकाशित याना बीगु जुइकु । धर्मोदय, नेपाल ऋतुपौ, सितु, इत्यादि पत्रपत्रिकाय
नं नेपाल भाषा चवयेगुली छगू तु. रूप लुइकेमनं चवखें न्ह्यव्वयगु ज्या जुया वने
धुकूगु दुसा थनिं स्वीदं न्ह्यो चवसापासां मुंज्याया ग्वसाः ग्वये धुकूगु नं झीसं
सी ला । त्रिभुवन विश्व विद्यालय मानबिकी तथा सामाजिक शास्त्र अध्ययन
संस्थान डीन कार्यालय नं ने. सं. ११०३ कछलागाः ८, ६, १० स्वम्ह यंकं नेपाल
भाषा विषय समितिया मुंज्याया ग्वसाः ग्वःगु छः । ई तसकं सीमित जूगुलि उगु
मुंज्याय स्तरीय भाषा नियमावलीया खें कोछीगु ज्या मजुल । उगु हे मुंज्याय
चवसापासाया संस्थापक तथा त्रि. वि. नेपाल भाषा विषय समितिया छह्य सदस्य
भाजु प्रेमबहादुर कसाः नं चवसापासा ग्वसालय व्याकरणया मुंज्या याके बी धकाः
क्व विया दित । उक्तं हे थुलि याकनं भाषाविद, साहित्यकार,

पत्रकार, सकलें सःताः व्याकरणया थी थी समस्या सम्बन्धी थी थी कार्यपत्र
न्ह्यव्वयेगु याना तःमुंज्या चवसापासां ग्वसाः ग्वःगु अतिक लयतायापुगु खें छः ।
चवसापासाया थव ज्या प्रति आसारी जुसैं जि थः नं लयतासैं थव कार्यपत्र
न्ह्यव्वया चवन । थुकी छिकपिनिगु सौहार्द्रपूर्ण टिप्पणी सुझाव बडगु मनं तुना,
लसकुम याना ।

३.१. कार्यपत्रया विषय शीर्षक य, य् (हलन्त) व ये कारान्त छयला

चवसापासां छोया हःगु पत्ती न्ह्यथना तःगु नेपाल भाषाया व्याकरण
सम्बन्धी समस्या थें जुयाचवंगु विषय मध्ये 'य् (हलन्त) व ये कार छयला'
विषयस थव कार्यपत्र केन्द्रित यायेत्यना । य् हलन्त याना हे छयले माःगु ला ? गन
गन य् हलन्त याये माः, गन गन मचाःसां जिउ ? ये कार छयला चवने मान ला ?
गन गन भाः, गन गन मचाः ? य् हलन्त, यं, ये कार छयलां खें ग्वःया अथं व ज्या
पाके यःला ? थुपि नं नेपाल भाषी व नेपाल भाषेस्तर व्वासि चवसिति
चवये वने जयय मज्जिना पुगु पंगलः जुया चवंगु दु । माक्व सिबे अप्वः
थासय य् हलन्त छयला तद्गुति याना डाइप यायेगु, कम्पोज यायेगु, प्रूफ स्वयेगु
यिजाःगु प्राविधिक ज्याय नं पंगलः जुया चवंगु दु । मचायेकं शीगुशियक्व ई व पार-
श्चम खति जुया चवंगु दु । उकि मज्जि मगाःथांय जक य् हलन्त व ये कार छयनेगु
याना थव भाषा चवये वने, डाइप याये, कम्पोज याये, प्रूफ वने ज्या याउंके माला
चवंगु दु । थव भाषायात यच्चुचिक्के व तुति जुइक न्ह्यज्याये फयेका बी माःगु दु ।

३.२. य् (हलन्त) छयलाया वर्तमान स्थिति

पुनरोत्थान कालं थुखे निसैं नेपालभाषाया खं ग्वःया लिङने दयाचवंगु स,
च, ज, या पलिता य छपजेगु तथा क्रियाय ये-कार यकार याये चलन
जुया चवंगु छः । तर थौकन्ह्य धाःसा यकार व ये कारया पलिताय य्
(हलन्त) छयनेगु जुया चल । य् हलन्त छयला थुलि आवा खने बत कि थव
नं विसर्ग छयलां थें स्वरुपतु स्वरःगु समस्या, पतिपति मडगु विकृति

व मर्दि मनिगु पंगलः यनीगु सम्भावना दु । नियमावलीया वालं चिना नं
लक्ष् हने थाकुप वइगु खो दु । थौं कन्हय यू (हलन्त) थुमनं
छ्यला तःगु दु - १

क) कर्ता / कर्म कारकया नाम खँखः

काय (काय) म्हाय् (म्हाच) (म्हाय), न्हाय (न्हास > न्हाय)
म्हाय्पं (न्हास), न्हाय्क (न्हासकन > न्हायक), त्वाय् (त्वाच > त्वाय), कय
(फस > फय), खय् (खस, खस, खय), भोय् (भोज > भोय), वनय् ज्या
(वनज ज्या > वनयज्या), हाय्मो पाहां इत्यादि ।

ख) अधिकरण कारक सप्तमी विभक्ति रूपया अप्राणी वाचक नाम खँखः

१] झालय् (झालत झालय) फलय् (फलस > फलय), पसलय्
(पसलस > पसलय), कोथाय् (कोथास > कोथाय) खतय् (खतस > खतय)
इत्यादि ।

२) ते प्रत्ययान्त बहुवचन प्राणी वाचक अप्राणी वाचक नाम खँखःयात अधिकरण
कारक सप्तमी विभक्ति रूप छ्यलीबले—मत्तय्के (मचात + याके), मिस्तय्के
(मिस्त + याके) इत्यादि । सकृतय्के (सकृत + याके) ?

३) ते प्रत्ययान्त बहुवचन नाम खँखःयात कर्मकारक, द्वितीया विभक्ति, सम्प्र-
दान कारक चतुर्थी विभक्ति रूप छ्यलीबले —

झगःतय् (झगःन + यात), मत्तय् (मचात + यात) इत्यादि ।

४) ते प्रत्ययान्त बहुवचन नाम खँखःयात सम्बन्ध कारक षष्ठी विभक्ति रूप छ्यली-
बले मत्तय्-वानि (मचात + या), पसत्यातय् त्याः जां (पसत्यास + या) :

मांहाय्सियागु तिसा (मांहाय्सागु > मांहास + यागु) इत्यादि ।

ग) सर्वनामय = वय्कः (वसकल > वयकल > वयकः), थ्वय्कः (थ्वसकल
> थ्वयकल > थ्वयकः)

१. कोथाय दुने लागु खँखः पुलां पुलां अमिलेखय पूर्वक छ्यला तःगु खँखः
खः । आः हलन्त य जुपा च्चंगुषा पूर्व रूप थुमके लू ।

घ सँख्या वाचक विशेषणय—चय् प्यता घासा । डय् डादँया बँस ।

ङ) अव्ययय — अलय् (अले), पिनय् (पिने), गुबलय् (गुबले) ।

च) उद्गार वाचक खँखलय — गय् च्च लय् (ले. रे) ।

छ) प्रश्न वाचक क्रिया—विशेषणय — छाय् (छाना > छाय) बया ?

गय् (गथे, गथ्व > गय) याये ?

ज) रोति वाचक क्रिया—विशेषणय—ठ्वाय् ठ्वाय् बन । च्याय् च्याय् हाल ।

झ) क्रिया वाचक क्रिया—विशेषणय—वने मते धाय्क धाय्क न वने ला ?

ञ) क्रिया धातु व थ' थि क्रियाय—

१. क्रिया धातु—-धाय्गु (धायेगु), हय्गु, (हयेगु), स्वय्गु (स्वयेगु)
इत्यादि ।

२. सामान्य भविष्य काल क्रियाय (उत्तम पुष्प)—जि वय् (वये) ।
झीसं बिय् (बिये) ।

३. ननिहित वर्तमान काल क्रियाय — सकृ सय् सयन । स्वयेत्यना ।

४. प्रेरणार्थक क्रियाय—सकृ काय्के हिं (कायेके, कायके) ।

५. उद्देश्य कारण वाचक क्रियाय (Infinitive verb)— सकृ काय्त
(कायेत, कायत) बया ।

६. विधि क्रियाय — 'सकृ काय्माः (कायेमाः, कायमा) ।

सकृ काय् मफु (काये मफु, कायमफु) ।

७. पूर्ण भूतकाल क्रियाय — सकृ काय् छुन (काये, काय छुन) ।

८. सहायक क्रियाय — पसः न्ह्योने सत्त हय्भुन । बय् बय् याये मते । छे
छाय्पाःतल ।

थुपि दसु फुक्क स्वयेवले नेपाल भाषाय य हलन्त न्ह्याथासं छ्यले
जिउ धया थें च्वने फु । भाषाय छगू रूप लुइकेगुली य हलन्त छ्यलां सक्रिय
देन बिउगु छने दये फु । नथे च्च वाना अथे च्वयेगुली य (हलन्त) ग्वाहालि बिउ
थें नं खनेदये फु । ब' यथें च्वये छिगु उपाय थें च्वने फु ।

यथे धका य् हलन्त छ् यत्नायात स्वच्छन्दता दीगु उचित मवु । न्हायासं य्
हलन्त छ् यलेगु धायेव भाषाय विकृति खने दइ, सिकारु अवस्थाया भाषाये चवनी,
खँवःया मूल रूप हे त्वःमनी थें चवने वः । गथे कि- <रुस> <फय> <फय> फे, यन
फे धयागु मेगु हे न्हूगु एकाक्षरी खँवः थें खने दत । थुजागु नाम खँवः व क्रिया
खँवः यक्वं दु थुजागु प्रवृत्ति पने साःगु दु ।

हानं य् हलन्त छ् यलां याता नाम खँवः व क्रिया खँवः हे स्पष्टं ह्मासीक
थाकु थें चवंगु नं दु । गथे कि- <ताप् धका चवनं काप् हे मफु । थुकी छ् यला त गु
काप् खँवः मध्ये गुगु नाम खः, गुगु क्रिया खः काचावक धाये थाकुइ फु । नितो
हे नाम खँवः ला क्रिया खँवः ला न स्पष्ट मजू । थुजागु समस्या मेमेगु य् हलन्त
छ् यला तःगु खँवलय नं जुइफु । थुजागु अस्पष्टता त्यहे थनेत नं य् हलन्त छ् यले
मछ् यनेया स्पष्ट नियम दयेकेनाःगु खने दत ।

३. ३. य् (हलन्त) मछ् यलेगु खें कीछिना

पुलां पुलांगु शिलापत्र सिजःपौ, तालपौ व ल्हाति चवया सफू सफुती चवगु
नेपाल भाषा खँवःया हिउजे पूर्वक हे चवइगु जुया चवन । ने.सं. १०२७ द
न्होया फुवक अभिलेख उबलनथ अथे चवइगु चलन खने दु । उगु समयबाध
दुनेया हे अभिलेखया नेपाल भाषा खँवः चवयेग्ली हिउपा वल । खँवःया
लिउने अथवा <थुइ लाःगु स, च, ज व्यंजनया पलिसाय यातुगु व्यंजन य
छ् यलेगु याता हःगु खने दत । खं वाना थें भाषा लिपिवद्ध याये छिकेग्ली
नेपाल भाषा थें जाःगु क्यातु स्वभाषगु भाय्यात थव त्वःगु समसामयिक तर
दूरदर्शी पलाः खः । पुनरोत्थान कालीन काव, म हित्यकार व व्याकरण दयेका
वंपिसं तक य् हलन्त मयासे य व्यंजन छ् यला वगुया दसि व दसु आपा खने
दु ।^२ शुक्रराज शास्त्री चवया थकूगु नेपाल भाषा व्याकरणय नं य् हलन्त

२. चित्तधर 'हृदय' (मुंहा), नेपाल भाषा साहित्यया जातः, न्हायांगु सस्करण
(कान्तिपुर : नेपाल भाषा परिषद, ने. सं. १०९१) ।

(५८)

खेलुइताः ६

छ् यला तःगु आपा खने मदुनि । अनं अकारान्त अप्राणीवाचक नाम खँवः
या सप्तमी विभक्ति रूप छ् यलीबले ए कारान्त (इयाले, संसारे) छ् यला तःगु
खने दु । अप्राणीवाचक अकारान्त नामया सप्तमी विभक्ति रूपय य् (हलन्त)
छ् यला तःगु (पौ ज, ड) खने दु । क्रियाय धाःसा य् हलन्त व ये कार नितो छ् यला
बसु न्हाववया दीगु दु । गथे कि- <याप् साःगु (पौ ठ) धाय् वये (पौ १५७),
नय् त्यम, नये त्यन (पौ १३९), नय् धुकल, नये धुकल (पौ १४१) स्वयतः
(पौ १६१) । स्व. सिद्धिदास अमात्य गद्य चवखं व बाखनय जक गनं गनं
य् हलन्त छ् यला थकूगु खने दु । यथे कि, मेथाय् (पौ १२), दय्का (पौ ११),
सिधय्का (पौ ६) । तर अनं सज्जन हृदयामरण व सत्यसती थिजाःगु
मात्रा व वाणिज्य छन्दय विभा तःगु कावयस धाःसा य् (हलन्त) उस्त छ् यला
मदी. थव अनया चवछाये वहुगु कुतः खः । अथे हे, स्व. धर्म्मार्दय धर्म्मार्चाये
नं य् (हलन्त) उस्त छ् यला दीगु पने मदु । स्व. चित्तधर हृदय नाम,
सर्वनाम, क्रिया व रूपाबला य् हलन्तया व्यापक प्रयोग याता दीगु खने दु ।

थुबि खें पाखें छु सी दु धाःसा य् (हलन्त) याये साः धयागु करं मय्यं ।
विसर्ग छ् यलेव व मछ् यलेबं शब्दया अर्थ पाये यः थें य् हलन्त यायेव खँवःया
अर्थय व ज्याय उस्त हिउपाः मवः । वयकःपिसं नाम व सर्वनाम खँवलय
य् हलन्त उस्त छ् यला तःगु खने मदु । सप्तमी विभक्ति रूपय व क्रियाय
जक गनं गनं य् हलन्त छ् यला थकूगु खने दु ।

भाषा- प्रकृति, स, च, ज या पलिसां य पूर्वक छ् यलांगु परम्परा व शब्दया
अर्थय विशेष छु म्पाइगुलि ववय बियागु नाम खँवलय य् हलन्त मछ् यलेगु
धाये माली—

क) कर्ता व कर्म जुषा वइगु तथा लिउने व दथुया स च ज ल व्यंजनया
पलिसाय व्यंजन दया चवंगु नाम खँवलय-फय, खेय (खेंज),^३ न्हाय

खेलुइताः ६

(५९)

(म्ह्याब), लयता (लसता), सायमि (सालमि), जयमान (जजमान, यजमान) इत्यादि ।

ख) अत्राणी वाचक अ कारान्त व आ कारान्त नाम खंयःया सप्तमी बिभक्ति रूपय- इयालय, फलय, खापाय, मिखाय, लखय, लंय, छंय, बेंय, बासय, मातनय इत्यादि ।

ग) 'ते' प्रत्ययान्त बहुवचन प्राणीवाचक नाम खंयःया सप्तमी बिभक्ति रूप छ्यलीबले- सचातयके, ज्यामितयके, इत्यादि ।

बिकल्प कथ थुमिके य हुलन्त नं जिउ ।

घ) 'ते' प्रत्ययान्त बहुवचन नाम खंयःया द्वितीया व चतुर्थी बिभक्ति रूप छ्यलीबले- जंगःतयत, पसल्यातयत, मनूतयत इत्यादि । बिकल्प कथ थुमिके य हुलन्त नं जिउ ।

ङ) 'ते' प्रत्ययान्त बहुवचन नाम खंयःया षष्ठी बिभक्ति रूप छ्यलीबले- मन्तय, पसल्यातय, इत्यादि ।

च) सर्वनामय- बयकः, थव नय ।

छ) अव्ययय-अले, दुने, पिने, बःबले इत्यादि ।

ज) उद्गार वाचक खंयलय- ले, रे ।

झ) ब्रह्म वाचक क्रिया विशेषणय- छाया, गय ।

३.४ य हुलन्त छ्यलेगु -

क) रीति वाचक क्रिया विशेषणय - द्वाय्, द्वाय् वन । क्याय्, क्याय् हाल ।

ख) क्रिया वाचक क्रिया विशेषणय - धाय्क, धाय्क न ।

घ) सहायक क्रिया - बय्, बय् याये, हय्, भुने, हयाय्चायेगु ।

घ) समस्त पदय - थाय्, बाय्, हेबाय्, चबाय्, लाय्कू, सन्ह्य् बजि (सम्य बजि) छ्यय्ला, धिमय्बाजं । माय्बोजा । माय् अप्तं ।

४) पूर्वं कप न्ह्यालू सबइगु खंयलय-पिलि माग्लि, मय्तुलचा, काय्मः, छय्पि, छाय् ।

४.१ ये कार छ्यला-

'ये' कार नेपाल भाषाया छताजि क्रियाया वरिधायक लिउ आखः छः । नेपाल भाषा क्रियाया धातुइ ये, ने, ले, पे, ते, के, (प्रेरणार्थक) लिउने दया ववनी । ने, ले, पे, ते, के, लिउने दया चवनीगु क्रियाय ला थुपि स्पष्टं न्ह्यालू वः । तर 'ये' लिउ क्रिया छताय धाःता गनं गनं जक आपुलुखं ये कार लुइका तःगु छने दु । आपा याना क्रियाया थो थो रूपय ये लिउने थना तःगु छने दु । पाँ कन्हय क्रियाय नं य हुलन्त आपा छ्यलेगु याना वया ववन । न्हापा न्हापा या अभिलेख उवलनय य व्यञ्जनया धातुगु ध्वनि प्रकृति लुमंकी ये कार याये माग्लि नं य कारं जक गाका ज्या कया तःगु छने दु । गथे कि-

थव वस्चडु धाय (गोपाल वंशावली पौ ३० ख)

छं वं पीं लथे मजीव (उकी हे, पौ ३८ ख)

देशस पिभोने वाचके छोये माल (रेग्मी, मिडियल नेपाल भा. ३, पौ ११५)

होम याय माल (उकी हे)

झि काय् सें झाय धाल (जि वया ला लछि मवुनि, चरण १)

लव ल्हाना बिय न्हां (उकी हे, चरण २)

जि माजु खोयेके मते (उकी हे, चरण १८)

नुगः तयां तये मज्यू (उकी हे, चरण १२)

ने, ले, पे, ते, के लिउ क्रियाय गथे याना मतः याये नं मछि । ने, ले, पे, ते, के स्पष्टं न्ह्यालुइका हे तःगु छने दु । गथे कि-भद्र शुक्ल अष्टमी सं (संगीत मय)

हेले (रेग्मी, मिडियल नेपाल भा. ३, पौ १२० स ने. सं. ७८४ पा बढनावली)

श्री श्री श्री महालक्ष्मी व्रतथा व्रत जोने (उकी हे)

नबरात्र रवने (उकी हे)

'ये' लिउ क्रियाय थें ने, ले, ते, लिउ क्रियाया थो थो रूप ज्यायेबले मछि छने दु । गथे कि-

धाये धायगु धायगु धायेत धायत धायत धायके धायके
हाले हालेगु हालगु × हालेत हालत हालत × हालके हालके ×
चवने चवङ्गु चवङ्गु चवनेत चवङ्गत चवङ्गत ×

चवङ्गु चवङ्गु चवङ्गु ×

सःते सःतगु × सःतेगु सःतेत सःतत सःतत ×

थये × चि दुगु क्रिया रूप सत्वःगु व मज्जगु क्रिया रूप खः । थुकि ये
लिउ क्रिया व्याकथनं थो थो क्रिया रूप ज्यायेबले ये कार छ्यले माःगु सी
दु । य व्यञ्जनया यातुगु गुणं याना हे जक धायेगु, धायगु, धाये धुन, धाय
धुन, धाय धुन, धायेके, धायके धायके इत्यादि रूप ज्याये छिना च्वंगु लवया च्वंगु
खः । व्यवहारय नं लवया छयला च्वंगु खः । थये ने, ले, पे, ते क्रियाय याये मछि ।

थुकि ये लिउ क्रिया दक्कया थो थो क्रियापद रूप ज्यायेबले 'ये'
कार छ्यले माः धायगु खँ सिद्ध जूवल । सर व्यवहारय 'ये' कार सिधे य कार
छयला वया च्वंगु खने दुगुलि थ्व नं स्वीकार्य जू । छ्यले जिउ ।

चवङ्गु वंगु (ज) - (१), (२), (३), (४), (५), (६), व (७) स
ये कार छ्यलेगु याये माली । व्यवहारय य कार नं छ्यलेगु चलन आपा
खने दुगुलि य कार नं स्वीकार्य जू । क्रियाय य (हलन्त) मछ्यले माली ।

पाय्छिगु क्रिया रूप

जि वये, जि वय

जि धाये धुन, धाय धुन

वं धायेके, धायके

छं धाये माः, धाय माः

वं धाये त्वन, धाय त्वन

छु धायेत वया, धायत वया

धायेगु, धायगु

पाय्छि मज्जगु क्रिया

जि वय्, जि वे

धाय् धुन

धाय्के

धाय्माः

धाय् त्वन

धाय् त

धाय्गु

४. उपसंहार

क) चवया तपागु खँ थलु खने दयेकेत, सकू धायेगु व डाइप यायेगु प्राविधिक

(६२)

□ छेलुताः ६ □

ज्या अपुकेत, चव चवने ज्या सरल जुइकेत अनावश्यकगु अप्वःगु य् हलन्त
छ्यलेगु ह्यो याये मि ।

ख) य् हलन्त छ्यलां व मछ्यलां शब्दया अर्थय व ज्याय अपायसक
मिन्नता खने महु, भ्रम जुइगु स्थिति मवः । उकि य् हलन्त छ्यला जिउ-
थाय् तक पाः यानां मस्यं ।

ग) नाम व सर्वनामय स, च, ज सुला य छ्यला तःगु भासय य हे
छ्यलेगु । य् हलन्त व ये कार मछ्यलेगु । कारक विभक्ति रूपय नं य छ्यलेगु ।
य् हलन्त व ये कार मछ्यलेगु ।

घ) क्रिया धातु व क्रियाया थो थो रूपय य कार व ये कार जक
छ्यलेगु । य् हलन्त मछ्यलेगु ।

ङ) कारक विभक्ति रूप ज्यायेबले ये कार मछ्यलेगु । स च ज सुला य
चवने माः थाय नं ये कार मछ्यलेगु ।

च) डाइप याके माःगु अनुसन्धान प्रबन्ध- चवङ्गु य् हलन्त मछ्यलेगु । □

ने. सं. ११०५ न्हू-दँया लसताय् सकलसितं

भितुना

छिकपिन्त माःगु तक नेपाःया थःगु हे पहःया थो थो

काष्ठकलां जाःगु ऊयाः, तिकिऊयाः, लुखा,

चौकोस व मेमेगु नं उपहारयोग्य

बुढां जाःगु सामानत माःसा लुमंका दिसँ !

बुढा व सिज्याया नायो

उड कार्मिङ्ग इण्डष्ट्रिज प्रा. लि.

फोन न्याः ५-२१४४७

□ छेलुताः ६ □

(६३)